



履齋示兒編

盧陵鄉先生孫

奕季

昭撰

正誤

仟佰

史記貨殖傳曰凡編戶之民富相什則卑下之
佰則畏憚之千則役萬相僕物之理也前食貨
志曰亾農夫之苦有仟佰之得顏曰仟謂千錢
佰謂百錢也仟七堅反佰莫白反今俗謂百錢
爲一佰說文曰相十佰也談藪曰今之數錢百

示兒編卷十一

二知不足齋叢書

錢謂之佰者借佰字用之其實是百字如什與
伍耳其字皆從人今俗書作阡陌而皆從阜非
也何以別之史記商鞅爲田開阡陌封疆漢晁
錯募民實塞下議曰通田作之道正阡陌之界
元帝紀曰出入阡陌師古曰阡陌田閒道也南
北曰阡東西曰陌皆從阜此爲證耳如漢志商
君壤井田開仟佰繼而曰眾庶街巷有馬仟佰
之間成羣注亦謂南北曰仟東西曰佰其音又
同乃皆從人蓋古字通用非謂當從人也是以

陳勝贊曰躡足行伍之間俛仰仟佰之中索隱曰仟佰謂千人百人之長也漢傳作阡陌如淳曰時皆僻屈在阡陌之中陌音貊凡謂行伍則從人田間則從阜獨未有以仟佰之錢從阜者也然則指錢與行伍之仟佰當從人指田之阡陌當從阜故玉篇於人部則載錢與行伍之仟佰於阜部則載田之阡陌未嘗紊也且伍與什皆數也俱作人旁隄與防皆岸也俱作阜旁抑又可證

示兒編卷十一

未渠央

庭燎曰夜未央箋云夜未央猶言夜未渠央也渠陸音其據反胡氏曰說文云央中央也廣雅曰央極中也秦風云宛在水中央央亦中也二章言未艾三章言鄉晨是從未央而至未盡從未盡而至鄉明也嘗原音其據反者卽與遽同音故荀子修身篇云有法而無志其義則渠渠然渠讀爲遽古字渠遽通渠渠不寬大之貌顏氏家訓曰古樂歌詞云丈人且安坐調絃未遽

央淵明雜詩曰嚴霜結野草枯瘁未遽央談藪
載高爽題鼓嘲孫挹云身有八尺圍腹內無寸
腸面皮如許厚受打未遽央邢居實寄陳履常
云會合能幾日歡樂何遽央王介甫少壯喜文
章云良夜未遽央青燈對寒更皆作遽字攷之
廣韻遽卒也急也是謂未卒然而中也至如淵
明讀山海經詩方與三辰游壽考豈渠央魯直
觀伯時畫馬詩云木穿石盤未渠透坐窗不遯
令人瘦此古體必讀爲去聲近世內翰汪彥章

示兒編卷十一

三

藻 挽洪承議太孺詩落句云欲識慶源何自遠

大川東去未渠央中書舍人張安國

孝

水調歌

頭末句云莫遣兒輩覺此樂未渠央二公直作

平音用誤也或者謂新唐書王求禮讓蘇味道

曰果以爲瑞則冬月雷渠爲瑞耶李絳謂憲宗

曰陛下焦心銷志求濟時之略渠便高枕而臥

哉邢文偉傳曰自非義均弼諧渠能進此藥石

張說傳說曰宰相時來則爲非可長保若貴臣

盡杖正恐吾輩及之渠不爲士君子地乎皇朝

文鑑宋子京治戒曰兄弟之不懷求合它人人渠冑信哉張舜民與石司理書曰唯是問能求益渠敢遽然問命已來勿知所濟魯直和王世弼寄七兄曰小材渠困我持斲問輪扁凡此皆言渠又何謂耶按高祖紀項伯告羽曰沛公不先破關中兵公巨能入乎服虔曰巨音渠猶未應得入也師古曰服說非也巨讀曰詎猶豈也杜孫寶傳曰掾部渠有人乎渠讀曰詎詎豈也杜詩曰牽牛處河西織女處其東萬古永相望七

示兒編卷十一

四

夕詎見同亦此意也渠音雖同而有二訓讀者當審轉爲遽又爲詎渠與詎皆訓豈也第與前之未渠央未遽央字同而義異

豐碑

檀弓曰公室視豐碑三家視桓楹鄭氏曰豐碑斲大木爲之形如石碑於椁前後四角樹之穿中於閒爲鹿盧下棺以繚繞天子六綽四碑前後各重鹿盧也斲之形如大楹耳四植謂之桓諸侯四綽二碑碑如桓矣大夫二綽二碑士二

緯無碑喪大記曰君墓用輶四綽二碑大夫墓用輶二綽二碑又曰凡封用綽去碑鄭曰碑桓楹也樹碑於壙之前後以紼繞碑間之鹿盧輓棺而下之此時棺下窆使輓者皆係紼而繞要負引舒縱之備失脫也用綽去碑者縱下之時也祭義曰祭之日君牽牲既入廟門麗于碑鄭曰麗繫也謂牽牲入廟係於中庭碑也聘禮曰東面北上上當碑釋者曰宮必有碑所以識日景引陰陽也夷攷前之四說所謂碑者於墓祭聘享之時植一大木耳卽非石碑也而其字從石者取其堅而已然勒銘於其上者亦未之嘗聞也今喪葬令其螭首龜趺又易之以石者後儒增之耳此孫何碑解之辭也

皇朝文鑑予嘗問杜

甫爲淑妃皇甫碑云日居月諸丘壠荆杞列樹

拱矣豐碑缺然又案東觀餘論云其立碑在葬

後當開元二十三年皇甫葬時所作也則是杜

誤以豐碑爲可勒銘矣故近世之士不究其義

凡作挽詩者多指豐碑爲勒銘之碑用矣

壽堂

今士人尺牘中稱人之母曰壽堂蓋不知忌諱
案陸士衡挽歌云壽堂延魑魅注曰壽堂祭祀
處言既死於祭祀之處獨相延魑魅楚辭曰蹇
將澹兮壽宮王逸曰壽宮供神之處林逋自作
壽堂詩曰湖外青山對結廬墳前脩竹亦蕭疎
茂陵它日求遺藁猶喜曾無封禪書皇朝文鑑又指
丘塚爲壽堂也究而言之稱人之母者豈不背
理傷義乎毛詩自有壽母二字闕何不稱之

示兒編卷十一

六

名諱

生爲名死爲諱從古而然禮曰卒哭乃諱是也

曲禮

嘗以韻略推之其曰御名舊御名蓋自生

存以前言之其曰廟諱蓋自耐廟之後言之條
於韻首井井不紊古今名公鉅卿爲人撰軒亭
堂樓等記及生祠碑則曰公名某及撰墓誌銘
神道碑與列傳則曰公諱某其別如此世俗不
審乎是凡賓主相與言或斥某人名曰諱某或
問某人名爲何諱荅者亦曰諱某可發一笑故

歐公集古錄亦曰樊毅修華嶽廟碑云樊君諱
毅字仲德下車之初恭肅神祀據此碑乃卽時
所立而太守生稱諱者何哉蓋謂其碑之謬則
世俗之名諱不辯亦久矣文昭案漢宣帝詔名
難知而易諱也其改
諱詢此生
卽稱諱

正昭

秦始皇名政爲之避其諱者讀正月爲正月文昭
案正月朝正之讀征尚書之讀常星宿之讀秀
自古相傳如此且始皇名正一作政今卽依正
本字政亦當改
讀而卻不然 晉文帝名昭爲之避其諱者讀

示兒編卷十一

七

昭穆爲韶穆傳至於今當如本字讀始有分別
陸德明唐大儒也自秦晉至唐亦遠矣當作釋
文時何不單出一音以正舛誤豈容韶後學以
疑貳哉正字姑置勿論且以昭穆言之了無他
說質諸孝經疏曰昭明也穆敬也故昭南面穆
北面孫從父坐而已若音曰韶不知何以釋之
朱元晦亦曰廟制太祖居中左昭右穆周廟文
王當穆武王當昭故酒誥稱穆考文王而載見
及訪落皆謂武王爲昭考也予以載見訪落驗

之昭考竝不讀曰韶考何獨於昭穆有兩音至如史炤於通鑑光武十八年韶音韶本音招亦謂韶以照下穆以順上爲義後避司馬昭諱昭作韶讀其說是矣不應復音韶請以征韶之音一洗而空之毋庸汨亂學者之耳目自古避諱而轉音者多皆當是正之獨此二字所係甚大而常用之急者故特表之

志祖案今人讀昭穆亦無作韶音者而正

月之音征相沿不改非因避秦諱也

三辰

示兒編卷十一

八

益稷曰日月星辰孔安國謂日月星爲三辰桓公四年傳曰三辰旂旗昭其明也杜預謂三辰日月星也皆不指星名而言辰則竝以揔上三事爲辰而辰非別物也周禮大宗伯以實柴祀日月星辰保章氏掌天星以志日月星辰之變動鄭玄曰星謂五緯辰謂日月所會十二次也洪範二曰月三曰日四曰星辰孔氏謂二十八宿迭見以序氣節十二辰以紀日月所會也魯直蟹詩曰已標天上三辰次未免人間五鼎烹

謂巨蟹在十二辰之未位也昭七年傳曰晉侯謂伯瑕何謂六物曰歲時日月星辰是也公曰多語寡人辰而莫同何謂辰對曰日月之會是謂辰杜氏謂一歲日月十二會也一以爲五星一以爲二十八宿而竝以辰爲日月所會之次也則辰與星固異矣退之有東野失子詩曰吾懸日與月吾係星與辰抑承襲而言也如漢律歷志云三辰之合於三統也日合於天統月合於地統斗合於人統五星之合於五行三辰五星之相經緯也既謂星爲斗又謂斗之外有五星其說蓋不一矣司常掌九旂之物曰日月爲常而已初不言畫星及左傳三辰旂旗則言畫星而不言何星穆天子傳稱天子葬盛姬畫日月七星乃畫北斗也紛紛藉藉莫之適從蓋嘗思而得其說以言其畫之於衣與旂則辰非有形容之可繪而謂之三辰則宜以言其徧祭天之諸神則十二次亦當祭之而謂之辰次亦宜如祭祀及掌天文則日月五星乃天之七政不

得不以爲先所謂璇璣玉衡以齊七政是也至於昏明迭見則非二十八宿無以辨之故洪範之所謂星辰蓋二十八宿布於四方隨天運轉以迭形昏旦若孟春昏參中且尾中之類皆所以敘節氣也是以知五星所行下民不以爲候故取於二十八宿也若夫鄉飲酒立三賓以象三光古之制禮也紀之以日月參之以三光政教之本也注曰三光者係於天三大辰也易曰志祖祭易字三光大火也伐也北極也大火與譌當作正義赤鬼編卷十一

十
伐天所以示民時早晚天下所取爲正故謂之大辰辰時也北辰北極天之中也取居中之義以是觀之孔穎達無乃因記云日月又云三光遂強爲之說當以日月爲通論

民農

嘗讀穀梁傳成公元年曰古者有四民有士民有商民有農民有工民則四民有定名矣故史記貨殖傳曰夫糶二十病農九十病末索隱曰言米賤則農人病也故云病農若米斗直九十

則商賈病故云病末末謂逐末爲商賈也此言
得之如漢食貨志云糶甚貴傷民甚賤傷農韋
昭曰此民謂士工商也夫豈知民卽農之摠名
也旣言民安得又言農哉乃知班固謂傷民傷
農不如馬遷病農病末之爲別白也雖然孟堅
西都賦有曰士食舊德之名氏農服先疇之畎
畝商循族世之所鬻工用高曾之規矩又未嘗
失言何獨於志而失之豈智於此而愚於彼乎
且爲韋昭之說者曰此民謂士工商強爲之別

示見編卷十一

十一

也然周禮司市亦曰凡市僞飾之禁在民者十
有二在商在賈在工者皆十有二又何耶韋昭
言士工商而不言農周禮言民工商賈而不言
士農以韋昭之說是則周禮之說非以周禮之
說是則韋昭之說非周禮亦豈雜於漢儒而然
若夫孟子曰信能行此五者則兼士農商旅民
旣言商又言旅旣言士農商又言民而不言工
亦不得言知言之要

文昭案民農一條甚煩碎
辨其所不必辨而反以議

黎苗

揚子重黎篇若秦楚強闖震撲胎籍三正播其
虐於黎苗吳祕謂布其虐甚於九黎之亂德三
苗之不恭其說甚迂司馬溫公曰黎苗民也余
案廣韻黎苗二字皆訓眾也則溫公之說其辭
既明其理亦安信而有證

弋人何慕

問明篇鴻飛冥冥弋人何慕焉案後漢逸民傳
序援此語作篡字退之酬崔少府云久嫌弋者

宗兒編卷十一

十一

篡今溫公亦謂曰篡以或作慕字爲誤誠有所

据

文昭案篡亦作慕故唐張九齡
詩今我游冥冥弋者何所慕

日一日勞

孝至篇或問勞功曰日一日勞考載曰功溫公
曰載事也天運行不息是其勞也成造化之事
是其功也其說盡善矣舊注不審楊子問勞功
爲二事乃於日一日勞考載文下釋之斷曰功
二字於下句句讀不明戛戛難讀溫公之說是
而不爲釐正其句亦非下日字當讀爲日以日

一曰勞句斷攷載曰功句斷言日專一而不息則謂之勞以成其事則謂之功矣

道術

莊子謂人相忘於道術當讀如徑術之術廣雅曰術亦道路別名呂氏春秋曰子產相鄭桃李垂於術文選謝靈運登石門最高頂云來人迷新術去子惑故蹊注曰術蹊皆山路也陳晉之解學記術有序曰月令審端徑術鄉飲酒莊周皆有道術之說馥案鄉飲酒是術道非道術是途之大者謂

示兒編卷十一

三

之道小者謂之術乃知鄭音遂非也信乎莊周以江湖對道術而言則直指爲道路無疑矣三國袁術字公路杜甫朝享太廟賦押栗字韻有曰曙黃屋於道術又寄韋尹丈人云牢落乾坤大周流道術空以道術對乾坤皆明此意

莊子語疵

司馬遷言莊周其學無所不聞可謂博洽矣然其著書立言不無小疵觀其譏齊威公讀古人之糟粕固善矣而謂輪扁斲鑿非糟粕與文昭案以

書爲古人之糟粕斯言寧是耶而言孔子七日
併欲舉椎鑿而空之可謂大愚 言孔子七日
不火食容或有之而藜羹不糝非火食與

荀子反經

三代以後儒者敢於自信而好異莫荀卿若也
堯舜揖遜之主而以爲非禪周公恭儉之臣而
以爲不恭不儉子思人所不可非則非之孟子
人所不敢非則非之禮義本不僞則以爲僞人
性本不惡則以爲惡六經有親出夫子之筆舌
有實載聖人之本文卿猶一切反之故議兵篇

示兒編卷十一

四

曰堯殺一人刑二人而天下治楊倞釋之謂一
人爲鯀二人爲共工驩兜矣又自曰堯伐驩兜
禹伐共工非惟與舜典四罪左氏舜去四凶之
說異又且自相背馳甚者正論有曰象刑非生
於治古竝起於亂今則又直不以典謨象刑惟
明之言爲可信而好異甚矣究而言之象刑之
制卽周禮垂刑象之法于象魏是也畫刑爲象
者無非畫墨劓荆宮大辟之刑用刀鋸斧鉞之
狀以示於人使之懲於未然而知畏耳苟知畏

則不復犯刑乃刑期于無刑之本意矣烏得謂
之非生於治古者哉就如卿言是敢於殺人而
不敢於刑人也然而李斯韓非之慘刻不當罪
韓李而當罪卿其亦作俑者與

履齋示兒編卷十一

示兒編卷十一

五知不足齋叢書

八月初三日校

履齋示兒編卷十二

廬陵鄉先生孫

奕季昭撫

正誤

程伯休父

馬大年嘗論涑水先生一私印曰程伯休父之後蓋出于司馬遷傳曰重黎世序天地其在周程伯休父其後也當宣王時官失其守而爲司馬故涑水引用之且伯休父者其字也今古一字多矣如爰絲房喬顏籀之類三字無之本朝有劉伯貢父劉中原父焉予按常武之詩曰王謂尹氏命程伯休父左右陳行戒我師旅楚語曰重黎氏其在周程伯休父其後也當宣王時失其官守爲司馬氏孔穎達解詩曰上命元帥此命司馬王謂其內史大夫尹氏汝當爲策書命此程國之伯字休父者爲之司馬攷其所自溫公益引用詩與楚語而未必專用遷史孔氏旣云程國之伯字休父則不當以伯休父三字爲字而取證于今之劉伯貢父劉中原父也況

示兒編卷十二

二知不足齋叢書



中原父兄也叔貢父弟也故以中叔之序稱伯
貢父當作叔字邵氏問見錄云溫公一日過康節天津之橋謁日程秀才云既見溫公也問其故公笑曰司馬出程伯休父故日程

陽生

太史公為伍子胥傳書吳王既誅伍子胥遂伐
齊齊鮑氏殺其君悼公而立陽生吳王欲討其
賊不勝而去世皆信之余以左氏春秋攷之哀
公五年秋齊景公卒冬十月公子陽生來杜預云景
公六年八月僖子使召公子陽生十月丁卯立

示兒編卷十二

之將盟悼公稽首杜預云悼公陽生又以齊田世家攷

之皆曰景公卒太子荼左氏作舒立是為晏左氏作安孺

子而田乞不悅欲立景公佗子陽生鮑牧遂立

陽生於田乞之家是為悼公鮑牧與悼公有隙

殺悼公齊人其立其子壬是為簡公即是而觀

陽生即悼公也其伍子胥傳鮑氏殺其君悼公

而立陽生當是弑其君悼公而立壬太史公之

所記於世家既如此於列傳又如彼前後抵牾

所謂實錄果如是乎

龜策

龜策傳序曰龜藏則不靈著久則不神贊則曰龜藏則不泥泥之則不神贊不如序多矣

兩伏波

或人問漢有兩伏波海康令王約作忠顯王廟記以爲馬伏波瓊州守李時亮作廟記以爲路伏波蘇子瞻作廟記則以爲兩伏波夏侯安雅作廟記又以爲馬伏波紛紛孰是曰嘗攷之兩漢有二伏波前漢伏波將軍邳離路博德武帝

示見編卷十二

三

時討南越相呂嘉之叛遂開九郡後漢伏波將軍新息馬援光武時討交阯二女子側貳之叛遂平其地則是二人皆有功于南粵東坡之說渠不信夫

發縱

蕭何傳上曰夫獵追殺獸者狗發縱指示獸處者人也縱音子用反孔毅父曰指縱音作蹤非也周禮地官有迹人注迹人言迹知禽獸是亦蹤

從

覆案說文蹤迹字從車從省聲作蹤者俗書也

迹之義爾

上廉

賈誼策曰人主之尊如堂羣臣如陛衆庶如地故陛九級上廉遠地則堂高陛無級廉近地則堂卑竊詳顏曰廉側隅也以廉近地對廉遠地而言之則廉隅無所謂上廉矣當讀陛九級上爲句近歲太學出上廉遠地則堂高賦豈一時之閒未加討論歟林鉞漢雋亦曰廉遠地則堂高而不言上廉

數奇

示見編卷十二

四

李廣數奇師古曰數所角反按宋景文公筆錄云得江南漢書本乃所具反傳者誤以具爲角也云孫奭亦誤以爲朔也蔡條西清詩話亦云嘗謂王摩詰詩衛青不敗由天幸李廣無功緣數奇不敗由天幸乃霍去病非衛青也至于數奇獨不以爲誤對則蔡條亦知王維讀數字從去聲之爲當也

尚書尚公主

或人有問尚書與尚公主同乎曰否按惠帝紀

云宦官尚食比郎中應劭曰尚主也舊有五尚
尚冠尚帳尚衣尚席亦是如淳曰主天子物曰
尚食主文書曰尚書陳餘傳敖已出尚魯元公
主如故師古曰尚猶配也易泰卦九二爻詞曰
得尚于中行王弼亦以爲配也諸言尚公主者
其義皆然而說者乃云尚公主與尚書尚食同
意訓尚爲主言主掌之失其理矣公主旣尊又
非物類不得以主掌爲詞則尚書之尚訓主尚
公主之尚訓配明矣孔毅父珩璜論云尚書與

示兒編卷十二

五

尚食尚公主同而世俗相承以平聲呼誤矣見
張耳傳注原應如顏三家之說則世俗誤呼尚
書爲平聲誠如孔言而以尚書與尚公主同亦
非其說實陳餘傳注非張耳傳也文弼案張耳
不可分析觀陳餘死後仍以張
耳終之何得以爲非張耳傳

陳蕃設榻

東漢徐穉傳云穉豫章人也陳蕃爲太守以禮
請署功曹穉謁而退蕃在郡不接賓客唯穉來
特設一榻去則懸之又陳蕃傳太尉李固表薦

遷樂安太守郡人周璆高潔之士前後郡守招
命莫肯至唯蕃能致焉字而不名特爲置一榻
去則懸之讀史至此未嘗不疑焉嘗攷宋臨川
王義慶世說云陳仲舉爲豫章太守至便問徐
孺子所在欲先看之袁宏漢紀曰蕃在豫章爲
襍特設一榻去則懸之唯周璆之事無聞焉陳
蕃傳始有特置一榻之文信如前之說則特設
一榻爲璆而已他無與焉以爲穉來則待穉璆來
應兩傳互載而姓名異以爲穉來則待穉璆來
則待璆歟不應兩傳皆云去則懸之以爲穉則
有穉榻璆則有璆榻歟胡爲均是特設無他蓋
在豫章則特以待穉在樂安則特以待璆故不
害其爲特設惟是范曄昧作史之體陳傳偏載
旣失之徐傳重出未爲得也當以是二事本末
特書于陳蕃一傳則不惟省文又且兩全

暨豔

吳志張溫傳有暨豔暨字無音史炤通鑑音義
於魏紀文帝黃初五年音其冀切葉少蘊石林

燕語云元豐五年黃冕仲榜唱名有暨陶者主
司初以泊音呼之三呼不應蘇相子容時爲試
官神宗顧蘇蘇曰當以入聲呼之果出應上曰
卿何以知其爲入音蘇言三國志吳有暨豔者
陶恐其後遂問陶鄉貫曰崇安人上喜曰果吳
人也時暨字缺一畫蘇復言字下當從旦此
唐避代宗諱流俗遂誤弗改耳今以暨字調爲
入聲卽是乞字

韻案暨去聲有居氣切其冀切
二音以居氣切調爲入聲則音
訖以其冀切調爲入聲則音
音越乞乃去訖切不是也

及見紹熙戊午議臣

示兒編卷十二

七

上疏言神宗時御殿放榜進士有暨陶者有司
讀暨爲泊而陶不應蘇頌曰吳有暨豔讀爲結
此得非其後乎問之果然神宗喜謂頌曰果吳
人也雖不知出何典據則又呼爲結字復以廣
韻證之五質與九迄中暨皆居乙切姓也吳有
尚書暨豔則正是訖字燕語以爲乞則近議臣
以爲結則差近史炤音泊則絕相遠况廣韻明
載暨豔於訖字之下而三書不能會歸於一何
耶其字畫按玉篇從旦誠如蘇言但訖音不收

然諱且自是睿宗亦非代宗也

薛愿

杜牧記寧陵謂天寶末薛愿守淮陽賊不能陷故名不傳不得與張許並稱今以新舊二史攷之乃云愿爲潁川太守與龐堅共守潁川城陷二人俱死按潁川乃許州而淮陽乃陳州所守之地不同所記之事各異豈牧傳聞之誤耶抑亦作史者采摭而不得其真乎

瓜丘甘露

示見編卷十二

八

瓜丘之禍蓋秦謀以瓜實成於驪山詔博士諸生就視因此欲坑儒生是時乃隆冬之月豈瓜熟時耶陋如秦儒不知其詐謀之深而卒至焉

宜乎不能逃其死也

前漢儒林傳序

甘露之禍蓋李訓

謀以甘露降于禁中詔百官入賀因此欲殺宦官是時乃十一月之末豈露降時耶黠如宦官豈不知其詐謀之淺故卒不至焉宜乎不可得

而殺也

唐李訓傳

然殺儒生易殺宦官難殺儒生則

至于亾國殺宦官則可以存國秦能殺儒生故

秦亾之速非不幸也唐不能殺宦官故唐存之不久非不幸也悲夫

秦焚書之漸

秦焚書之禍其所由來者漸矣晉鞏朔獻捷于

周王私賄之使相告之曰非禮也勿籍成二〇文昭案

春秋爲國諱則不書勿籍謂此可不必記耳豈可以爲焚書之漸北宮錡問爵

祿之制孟子曰諸侯惡其害己也而皆去其籍

萬章下 始皇則又甚焉盡舉先王之典籍投諸虐

焰而不赦得非有勿籍然後有去籍有去籍然

宗兒編卷十二

九

後有焚書豈一朝一夕之故哉秦之酷旣極于焚書矣重之以坑儒則愚黔首之術殆無餘策

句讀

句讀字自漢有之周禮宮正春秋以木鐸修火

禁凡邦之事蹕鄭司農讀火絕之云禁凡邦之

事蹕國有事王當出則宮正主禁絕行者若今

時衛士填街蹕也鄭康成注春秋以木鐸修火

禁句絕讀火戚如字徐音豆韓愈師說云彼童

子之師授之書而習其句讀者也洪曰讀音豆

其字從言從賣唯馬融笛賦云觀法於節奏察
度於句投注曰投徒鬪切句投猶章句也

鮑案李善

長笛賦注云說文曰逗止也投與逗古字通音豆投句之所止也此注乃五臣張銑語

音訓同而字畫異廣韻玉篇讀投二字去聲俱不收

章句

孔安國曰自古而有篇章之名故那序曰得商頌十二篇東山序曰一章言其先是也句則古者謂之為言論語云詩三百一言以蔽之曰思

示兒編卷十二

十一

無邪則以思無邪一句為一言趙簡子稱子太叔遺我以九言皆以一句為一言也秦漢以來眾儒各為訓詁乃有句余謂今詩家有四言五言六言七言則是又以一字為一言也

文昭案國策三言而已曰海大魚又子貢問一言可以終身子曰其恕乎皆以一字為一言

文辭

學者誦孟子不以文害辭多不喻辭文何從而別按伊川曰不以文害辭文文字之文舉一字則是文成句是辭詩為解一字不行卻遷就他

說如有周不顯自是文當如此晦菴朱氏曰文字也辭語也言說詩之法不可以一字而害一句之義不可以一句而害設辭之志當以己意逆取詩人之志乃可得之若但以辭而已則如雲漢所言是周之民真無遺種矣惟以意逆之則知詩人之志在于憂旱而非真無遺民也

五湖

嘗聞良齋先生謝公在諫垣以待講當夜直壽皇嘗論及地理曰五湖何處爲是公奏或謂洞

宗兒編卷十二

十一

庭彭蠡太湖丹陽射陽爲五湖或謂太湖射貴湖上湖洮湖滬湖爲五湖其實皆非周禮職方氏揚州其浸五湖國語吳越戰於五湖以地攷之漢儒謂五湖者太湖之別名爲是也上嘉其博洽獎歎再三予嘗按張勃吳錄云五湖者太湖之別名以其周行五百里故名之

四海

祭義云曾子曰夫孝置之而塞乎天地溥之而橫乎四海繼而曰推而放之東海西海南海北

六轡

海而準節四海也校人曰四海猶四方也及調人曰父之讎辟諸海外注引爾雅曰九夷八蠻六戎五狄謂之四海夫經云海外而注指四夷為言非也所謂海外即堯典光被四表是也以四方為海外可也以四夷為四海不可也

六轡

凡駕四馬則必有八轡而諸經多言六轡何也曰孔氏解八轡在手有曰每馬有二轡四馬當八轡矣諸文皆六轡者以驂馬內轡納之于舡故在手者惟六轡耳又曰車駕四馬在內兩馬謂之服在外兩馬謂之駢兩駢即驂也蘇黃門曰驂之外轡則御者執之舡與塗以舡輓之舡同即是求之則言六轡有以也

百丈

杜子美祠南夕望曰百丈牽江色注云海賦揭百丈志祖案海賦揭百尺非百丈所以牽船也連竹為之又秋風云吳檣楚柁牽百丈注云檣柁百丈皆船上器用也薛云今湖湘閒行舟以竹相續為索

以引上水舟謂之百丈以謂其長可百丈今川
峽猶多用之又十二月一日詩云百丈誰家上
水船東坡云古離別曲百丈牽船上水遲郎去
瞿塘幾日歸鍾會呼挽船索爲百丈今舟子皆
呼之趙云百丈者牽船篾內地謂之篾音彈余
親見海商以竹劈爲大瓣相續可長百丈每相
續處必用漆固其絲紵使耐水卽非以篾爲三
股四股索之類如索則今之所謂纜是也鍾會
呼挽船索爲百丈與薛氏相續爲索之說則亦
牽船之纜非此百丈也

百金

公羊傳隱五年曰百金之魚注云百金猶百萬
也古者以金重一斤若今萬錢矣漢食貨志亦
云黃金一斤直萬錢則知文帝言百金中人十
家之產卽爲金百斤爲錢百萬也高祖善家令
之言賜金五百斤命陳平爲反閒捐金四萬斤
使漢金不賤何以多至此如唐時必貴太宗以
于志寧孔穎達能諫太子各賜金一斤而已非

貴則不如是之少也

來牟

詩兩言來牟思文臣工前漢作釐麩劉向傳孟子作麩

麥告子玉篇廣韻皆作麩麩又出一麩字唯廣

韻有曰來小麥也牟大麥也二字與詩竝同是

二麥者後稼穡而生先稼穡而熟深有補於先

民之艱食月令孟夏之月獨以麥為秋豈苟然

哉

淝米

示兒編卷十二

古

生民曰釋之叟叟烝之浮浮毛曰釋淝米也孔

曰淝米謂洮米也叟叟聲也浮浮氣也又曰釋

訓云溼溼淝也焯焯氣也樊光遠引此詩孫炎

曰溼溼淝米聲焯焯炊之氣傳以洮米則有聲

炊飯則有氣取爾雅之意為說也淝星歷反溼

蘇刀反焯音浮孟子曰接淝而行趙曰淝漬米

也不及炊淝先歷反考是二說皆讀曰析今之

好事者凡稱士大夫之家淝米飯多作折聲呼

之良可怪笑然退之城南聯句云淝玉炊香粳

浙亦作浙又何耶

文強案世說危語有矛頭鑽米○志祖案今韓詩亦作浙

東壁東井南箕北斗

二十八宿以四方為名者唯井壁箕斗四星而已營室者天子之宮壁者室之外院離宮在南則壁在室東故稱東壁參旁有玉井則井星在參東故稱東井箕斗是日用之器相對而言箕在南而斗在北故曰南箕北斗也

黎明

史記高帝紀黎明圍宛城三匝索隱曰黎音犁

示兒編卷十二

五

黎猶比也謂比至明也前漢高帝紀作遲明師古音值值待也謂待天明時皆言早意也唐劉崇望傳遼旦舍光門未開遼音都奚切又按史記呂后紀犁明孝惠還徐廣曰犁猶比也將明之時非也犁黎古字通用黎黑也黑與明相雜欲曉未正曉也猶曰昧爽昧暗也爽明也亦明暗相雜也遲明即未及乎明也厥明質明則已曉也

陳玄

或謂毛穎陶泓楮先生退之雖寓言以爲文戲然莫非取象筆硯與紙而言也獨于陳玄若無義予曰不然彼三者以象言陳玄以性言也故陳君遠告老集云陳者久也玄者黑也取其經久膠不敗而黑者爲最故墨曰陳玄其義尤深

重穆

詩七月曰黍稷重穆毛氏曰後熟曰重先熟曰穆董氏曰鄭眾云先種後熟謂之重後種先熟謂之穆說文種音童所謂重也種音眾所謂莠

示兒編卷十二

去

也釋文曰禾邊作重是重穆之字禾邊作童是種莠之字今人亂之已久及考周禮天官內宰云生種穆之種其字與廣韻並作種並音爲重與同二聲則知釋文云禾邊作重是種莠之字當作童乃是種莠之字禾邊作童是種莠之字當作重乃是種莠之字蓋種莠之字合從重不當從童種莠之字合從童不合從重始爲不亂也

文說也 文昭案種種孫氏變古說謂種穆當從童種植當從重其實非古周禮釋文引字書亦同

印文榜額有之字

馬大年嬾真子曰今印文榜額有之字其來久矣太初武帝元年夏五月正歷以正月爲歲首色上黃數用五注云漢用土數五用五謂印文也若丞相曰丞相之印章諸卿及守相印文不足五字者以之字足之後世不然印文榜額有三字者足成四字有五字者足成六字但取其平正耳非之字本意及觀談苑云太祖將展外城幸朱雀門親自規畫獨趙韓王普時從幸上

示見編卷十二

七

指門額問普曰何不只書朱雀門著之字何用普對曰語助太祖笑曰之乎者也助得何事帝似不以爲然惜乎韓王生于馬大年之前不及舉是說以敷陳之邵氏聞見錄云帝一日登明德門指其榜問趙普曰明德之門安用之字普曰語助帝曰之乎者也助得甚事普無言明德與朱雀二名不同未知孰是

履齋示兒編卷十三

廬陵鄉先生孫 奕季昭撰

正誤

齒牙

或疑昌黎去年落一牙今年落一齒爲煩文子
案楊中立解誰謂鼠無牙曰牙牡齒也鼠無牡
齒陸曰鼠有齒而無牙僖公五年云輔車相依
唇亾齒寒杜曰輔頰輔車牙車史炤通鑑釋文
晉穆帝九年輔車頰骨牙車也咸卦咸其輔頰

示兒編卷十三

一知不足齋叢書

舌馬云輔上頰也漢作𪔐云耳目之間杜甫戲
贈友云一朝被馬蹶唇裂板齒無又案洪氏韓
子年譜云去年與崔羣玉云左車第二牙無故
動搖脫去而齒落詩云去年落一牙則此詩今
年作也乃知在頰爲牙當唇爲齒也昭昭矣

皮革

羔羊詩曰羔羊之皮又曰羔羊之革毛曰革猶
皮也初無區別孔曰說文謂獸皮治去其毛曰
革對文則皮革異散文則皮革通鄭注掌皮曰

皮謂若虎豹熊羆有文章者革謂無文章者去毛而獻之王光遠曰未練治謂之皮已練治謂之革此一說也司裘曰大喪廡裘飾皮車謂革輅也去毛得稱皮有毛得稱革此又一說也然論語虎豹之鞞猶犬羊之鞞虎豹與犬羊別者竝以毛文異耳乃知鞞卽革也案八音之中有革謂鼗鼓也則革已去毛無疑矣若夫帝王世紀曰黃帝殺夔以其皮爲鼓庸非毛氏所謂革猶皮也

示見編卷十三

饕餮

文公十八年縉雲氏有不才子貪于飲食冒于貨賄天下之民以比三凶謂之饕餮杜曰貪財爲饕貪食爲餮故孫仲益覲與詹及甫書曰晉侯被兵之後復用吏饕謂吏之貪財者也及觀北史明帝朝獲禿鶯於宮內遂養之崔光曰此卽詩有鶯狂梁解云禿鶯貪戀之鳥野澤所育不應入于殿庭況饕餮之禽必藉魚肉菽麥稻粱之養豈可畱意于醜形惡聲哉老杜鹿詩曰

衣冠兼盜賊饕餮用斯須趙彥材云言衣冠之
人行如盜賊唯知饕餮而已故使人多害生物
以充庖正枉斯須之間焉則是崔杜以二字爲
貪食之謂初無別也至東坡賦老饕又直以饕
之一字爲貪食云山海經又以饕餮爲獸名則
必貪恠之獸也

檠檠

東坡姪安節遠來夜坐三首前二首皆押燈檠
韻末篇云大弔一弛何緣殼已覺翻翻不受檠

示兒編卷十三

三

孫倬云楊子曰見弓之張兮弛而不失其良兮
曰何也曰檠之而已及攷楊子正文作檠其字
從手溫公音居影切復質諸周禮弓人注云至
冬膠堅內之檠中定往來體檠音景韻略三十
八榎作檠居影切所以正弓釋云蘇武能檠弓
弩雖竝從木皆非平聲東坡所押獨取楊原注
荀子繁弱鉅黍古之良弓也然而不得拊檠則
不能自正音巨京反然玉篇廣韻平上聲皆收
作正弓之檠但上聲注云檠出周禮亦作檠則

是不專主平聲之音

囊橐

公劉之詩曰于橐于囊毛曰小曰橐大曰囊孔
曰左傳稱趙盾見靈輒餓爲之簞食與肉賓諸
橐以與之橐惟盛食而已是其小也公羊傳稱
陳乞欲立公子陽生盛之巨囊囊內可以容人
是其大也說文曰無底曰囊有底曰橐董氏曰
無底曰橐有底曰囊唐韻曰橐無底囊二說不
同竝存之

示兒編卷十三

四

馬耳

東坡雪夜詩曰試掃北臺看馬耳未隨埋沒有
雙尖趙次公云馬耳山名竊謂天下之山至低
不下數丈而止於尋丈者少雪雖深埋沒山阜
未之有也趙指爲山果何所據殊不知雪夜王
晉之與霍辯對談雪盈尺王曰雪太深乎霍曰
看北臺馬耳菜何如左右曰有兩尖在坡蓋用
此何趙未嘗見是事而妄爲是說文弼案馬耳
菜不著所引
書名馬耳自當作山名千巖俱竊卽是埋沒馬
耳之雙尖轟然露見卽是未隨埋沒孫公說詩

何其
固也

於菟

宣公四年楚人謂虎於菟於音烏前漢序傳楚人謂虎於釋音烏塗今作於菟山谷題雙澗寺云二水犇犇鳴屋除松林落日吼烏菟碑本作烏非也又詩曰王侯文采似於菟洪生人閒汗血駒復用於字乃是

欵乃

人皆曰桺桺州漁父詩欵乃二字本書爲欵乃

示見編卷十三

五

讀曰襖靄既有山谷題浯溪碑可證又有元次山集中箋音可質胡仔漁隱叢話乃謂洪駒父詩話反其音爲靄襖者非奈何廣韻十五海欵音於改反相然磨也謂之相然磨則正得一聲山水綠之本意當從駒父欵音靄乃音襖爲正故洪景廬尚書欵乃齋記云桺別本或併二字爲襖音又別出一靄字非也

殷盤

初讀進學解周誥殷盤之語

鯀案張衡東京賦云論其遷邑易京

則同規乎殿
盤二字本此頗疑盤庚是君名非訓詁誓命之
比至味六一先生聽琴詩有二典意淡薄三盤
語丁寧又復云然一再思之大甲益稷之屬篇
皆以名檀弓本魯人以其善于禮故亦著名如
秦伯衛靈公梁惠王亦載于語孟之篇首同此
一意
馥案盤庚本
名盤庚之詁

正鵠

周禮司裘王大射則供虎侯能侯豹侯設其鵠
鄭注侯謂以虎能豹麋之類飾其側又方制之

示兒編卷十三

以為章音謂之鵠著于侯中所謂皮侯梓人張
皮侯而棲鵠詩云終日射侯不出正兮射義云
循聲而發發而不失正音征鵠者其為賢者乎孔
氏曰大射之侯其中制皮為鵠賓射之侯其中
采畫為正正大如鵠皆居侯中三分之一其燕
射則侯中畫為獸其中射處皆二尺則以侯中
所射之處為正鵠也正與鵠皆禽名正鵠之省
文也方言齊魯以題肩為鵠月令征鳥厲疾鄭
氏謂征鳥題肩也齊人謂之擊征或名曰鷹正

義曰征鳥鷹隼之屬也鵠卽漢高祖所謂鴻鵠
高飛一舉千里雖有矰繳尚安敢施鴟健黠而
難中鵠高遠而難中故射者取以爲質的焉

非熊

六韜曰文王將田卜曰田於渭陽將大得焉非
龍非鸞非虎非羆兆得公侯天遣汝師以之佐
昌施及三王文王乃齋三日田於渭陽卒見太
公坐茅以漁文王乃載以歸立爲師史記曰呂
尚以漁釣奸周西伯西伯將獵卜之曰所獲非

示見編卷十三

七

龍非鸞非虎非羆所獲伯王之師果遇太公於
渭水之陽載而歸立爲師而洽襲皆作非熊用
之嚴有翼雌黃亦云世所傳本或作非熊非羆
致使學者相承皆以非熊爲太公事何其謬歟
及觀崔駰達旨詞曰或以漁父見兆於元龜注
云西伯出獵卜之曰所獲非龍非鸞非熊非羆
所獲伯王之輔班固賓戲曰周望兆動於渭濱
李善曰史記云太公望以漁釣奸周西伯將出
占之曰所獲非龍非虎非熊非羆所謂伯王之

千
奸譌

千

輔則謂之非熊蓋本於此不可謂之謬矣顯况
以非熊名子○文昭案杜詩亦有田獵夢非熊句然今史記實無非熊
二字不知李善何所據而云

赦書弱水

本朝赦文必曰赦書日行五百里用昌黎荅張
徹詩赦行五百里蓋有自來矣又八月十五夜
贈功曹云赦書一日行萬里罪從大辟皆除死
信如後之說無乃太遠乎神仙傳謝自然泛海
求蓬萊一道士曰蓬萊隔弱水三十萬里非飛
仙不可到東坡詩則曰蓬萊不可到弱水三萬
里信如蘇之說無乃太近乎

瘴癘地

杜甫夢李白詩曰江南瘴癘地逐客無消息舊
注引劉孝標流離大海之南寄命瘴癘之地謂
廣南也趙彥材乃引唐史白坐永王璘事詔長
流夜郎會赦還潯陽坐事下獄潯陽今之江州
屬江南東路今又屬西路予謂此指夜郎而言江南
非瘴鄉少陵號詩史必不妄言當是傳寫之誤

雷詩何以又曰南方瘴癘地羅此農事苦

引經誤

无妄六二曰不耕穫不菑畲則利有攸往而坊
記乃曰不畊穫不菑畲凶牧誓曰戎車三百兩
虎賁三千人而孟子乃曰革車三百兩虎賁三
千人矢其文德洽此四國宣王也禮記以爲太
王周戎狄是膺荆舒是懲僖公也孟子以爲周
公滕文致遠恐泥子夏之言也班固以爲出孔
子其進銳者其退速孟子之言也李固以爲出

示兒編卷十三

九

老子孟子以孔子所謂生事之以禮死葬之以
禮祭之以禮爲曾子唐史以曾子所謂以能問
於不能以多問於寡爲孔子與有扈戰于甘野
夏啓也劉向以爲夏禹說苑濟人於溱洧子產也
劉向以爲景差說苑微子曰我舊云刻子論衡本
性篇引之曰我舊云孩子立政曰以我受民
論衡明雩篇引之曰以友我愛民志祖案今本
又我受民蓋荀子堯問篇乃曰諸侯自爲得師
明人所改者王得友者伯得疑者存自爲疑而莫已若者

亾與今仲虺之誥能自得師者王謂人莫已若者亾文意小異鹽鐵論文學所引孟子乃曰居今之朝不易其俗而成干乘之勢不能一朝居與今孟子由今之道無變今之俗雖與之天下不能一朝居文意大異

誤經意

孔子曰禹吾無閒然卽無瑕可指之義賈捐之泥于文而不明其意便謂禹入聖域而不優孔子曰爲命禘謀草創之卽非草野之義左丘明

示見編卷十三

十一

亦泥于文而不達其意直謂禘謀於野襄十

得非讀論語之誤歟

文昭案論語記曾子臨洑之言其去孔子卒後七八

十年論語始成謂丘明因讀論語致誤大是奇談詩曰天命玄鳥降而

生商史記則謂玄鳥墮卵簡狄吞之而生契詩

曰履帝武敏歆攸戒攸止史記則謂巨迹在野

姜原踐之而生稷得非讀詩之誤歟史記謂妻

舜二女者豈非因堯典釐降二女而誤耶志祖

舜二女非誤又謂舜重瞳子者豈非因舜典明目

而誤耶甚者有曰禹辛日娶妻甲日生子是泥

益稷之文所謂娶于塗山辛王癸甲而誤耶書曰叶和萬邦論衡藝增篇以爲唐必無萬國書曰弼成五服論衡語增篇以爲五采之衣服則王充豈深明于書者耶

意誤

光武卽位祝文曰上當天地之心地果可與天同稱上耶宋玉賦曰料天地之極高地果可與天同稱高耶唐高昌傳曰高昌兵如霜雪唐家兵如日月日月照霜雪幾何自殄滅謂曰滅霜

示見編卷十三

十一

雪可也謂月滅霜雪可乎昌黎詩曰潢潦無根

源朝滿夕已除謂潢潦無源可也謂潢潦無根

可乎文昭案潤之以風雨因雨兼風禹稷耕稼而有天下因禹兼稷行文豈可若是拘耶

元照案六載禮見才色脩聲不視聲亦可言見言視亦此類也○稷案禹稷當平世三過其門而不入因禹兼稷禹稷躬稼而有天下躬稼是因稷兼禹有天下是因禹兼稷

事誤

前輩多引脫粟飯爲公孫宏事案晏子春秋晏嬰相齊嘗食脫粟米不食重味則是倡自晏平仲多引浮查爲張騫事案王子年拾遺記堯

時有巨查浮于西海查上有光若星月查浮四海十二年一周天名貫月查又名挂星查羽仙

棲息其上則自是堯時文昭案張鷟事在漢王

在前耶○志祖案拾遺所記是堯時事固在漢前但拾遺記多不足信吳甘寧

住止嘗以繪錦維舟去輒割棄以示奢侈則錦

纜不始于煬帝韓詩外傳北郭先生妻曰結

駟列騎所安不過容膝劉向列女傳楚於陵妻

亦云則容膝之語非首出于淵明人言蘇武

不拜單于考之范史乃是鄭眾選詩得魚腹

示兒編卷十三

中書攷之史記乃是陳勝謝靈運述祖德詩

有弦高犒晉師之語案呂氏春秋鄭賈人弦高

實犒秦師也文昭案文選弦高犒暗師下句為仲連卻秦軍兩句豈可皆用秦字

○元照案李善注引呂覽注暗國名也音晉今作晉字之誤讀此語自明日知錄云改為晉以

選下秦字舛而潘安仁西征賦有歲次玄枵

之語案安仁元康二年之長安歲在壬子實困

敦也並文人皆信退之諱辯稱杜度以杜恕

篤論求之乃知杜操字伯度文昭案後漢實有杜度其人余外祖

馮山公先生曾記出俟檢尋○志祖案後漢章帝時齊相杜度見晉書衛恆傳山公解春集有

杜度議○腹案東漢杜操字伯度及魏代避諱
易爲杜度至晉人猶因之非別有杜度其人

泗州大聖傳云和尚何國人也又謂莫知所

從來云不知何國人也以隋書西域傳觀之乃

有何國 觀後漢禮儀志上陵議狀注苟先帝

有瓜葛之屬男女畢會不可以瓜葛爲王導弈

棋事 觀劉禹錫贈進士張盥詩云憶爾懸弧

日余爲坐上賓舉筋食湯餅祝詞天麒麟不可

專以湯餅爲明皇王后事 文昭案劉禹錫與唐

敏先孰後○元照案禹錫與韓柳同時恐不
逮事明皇矣○志祖案劉禹錫在明皇後

示兒編卷十三

三

觀高朕漢末爲蜀郡守興設學校修周公禮樂

殿邦人立石室祠之在文翁石室旁則興蜀之

學不特文翁一人也 詳見范鎮
東齋記事 觀前漢淮南

王欽傳迺幸左顧存恤師古曰左顧猶言枉顧

則左顧之事不當指爲毛寶也 文昭案毛寶之
左顧適左顧也

與枉顧之義不倫○鯤案龜左顧是孔愉事非
毛寶晉書愉嘗行經餘不溪買籠龜放之溪中

龜中流左顧者數四及封餘不亭候而印龜
左顧三鑄如初印工以告愉乃悟遂佩馬

觀述異記石室山晉時王質伐木至見數童子

棋與質一物如棗核含之不覺飢視斧柯爛盡

既歸無復時人則爛柯之事非弈棋也
文淵案
言童子碁
河謂非
王質亦

履齋示兒編卷十三

示兒編卷十三

齒知不足齋叢書



八月初三日校

履齋示兒編卷十四

廬陵 禮津孫 奕季昭撰

雜記

無恙多能果然率然

人皆知無恙爲無憂而不知爲蟲名人皆知多能爲多材而不知爲獸名按史記外戚世家云呂氏夷戚氏誅趙王而高祖後宮獨無寵疎遠者得無恙索隱曰爾雅云恙憂也一說古者野居露宿恙噬人蟲也故人相恤云得無恙乎又

示兒編卷十四

一知不足齋叢書

按漢高紀云吾非敢自愛恐能薄師古曰能謂材也能本獸名形似熊足似鹿爲物堅中而強力故人之有賢材者皆謂之能然則以無恙配多能尤爲的對又有獸名果然出國史補揚州人取果然得一果然則數十果然可得蓋果然不忍傷其類聚族而啼殺之不去也此禽獸而人心薄俗有不如者果然大類猩猩蛇名率然出山海經常山有巨蛇物觸之中首則尾至中尾則首至中腰則首尾俱至名曰率然孫子兵

法曰將之三軍勢如率然者此也

地有二義

盤谷之名有二義或曰環山或曰盤旋而韓昌黎兩存之冉谿之名有二義或曰冉氏或曰可染而柳河東兩存之

可稱之地

天下可稱之地有四謝元暉鼓吹曲云江南佳麗地是也杜甫祠南夕望詩云湖南清絕地是也張孟陽劔閣銘曰形勝之地是也杜甫亦曰

示兒編卷十四

惜哉形勝地回麓范范為懷錦水作也志祖案疑

尚有脫文廷博案潘刻脫廿四字今據鈔本補完

地名異

梁一也而有南有大有少焉今汝州梁縣為南梁皇都浚儀縣為

大梁同州韓城縣為少梁蔡一也而有新有上有下焉新蔡

今蔡州縣下蔡今穎川縣是也三齊三楚之有別齊與濟北膠

陵為南楚彭城為西楚吳為東楚三蜀三吳之有異三蜀謂蜀

置廣漢武帝分置犍為三吳今蘇潤湖州既辨三毫今曹州考城縣

穀城縣為南毫今西京偃師縣為西毫又分三江自豫章而下入于彭蠡而東至

海為南江自蜀岷山至于九江彭蠡以入于海
為中江自瞿冢導漾東流為漢過三澨大別以
入于江匯于彭蠡
以入于海為北江嵩高外方一山而名二具區
震澤一湖而號殊荆山有南北之異條蒙山有
東西之異域

地名同

崆峒山有三在臨洮者秦築長城之所起也在
安定者禹導涇水之所出也在臨汝者黃帝問
道于廣成子之地也霍山有四南岳之衡廬江
之天注皆謂之霍山晉之霍山在今晉州霍邑

示兒編卷十四

三

蠻氏有霍山在今汝州梁縣也汶水有二魯之
汶水出泰山萊蕪縣所謂東北會於汶是也其
一出朱虛縣泰山北過淳于縣今濰之東南有
大汶小汶是也汜水有二僖二十四年王處于
汜南汜也出汝州僖三十年秦軍汜南東汜也
在中牟蒙城有二楚之蒙縣莊周所居也志祖案莊
子所居卽宋之蒙縣非楚地史記索
隱引劉向別錄云宋之蒙人也可證宋之蒙縣
宋萬弑閔公之地也武城有四襄十九年城武
城魯地也卽子游所宰之邑也僖六年許僖公

見楚子于武城楚地也文八年秦人伐晉取武城在今同州馮翊今恩州亦有武城縣漆沮既見于扶風又睹于馮翊沱潛既發于梁地復出于荊州

帝王歷年

以史記所載歷年計之五帝四百一十一年三代一千九百七十四年以劉恕外紀所載歷年計之五帝二百五十二年三代一千九百二十八年則外紀于五帝少二百四十年於三代少

示兒編卷十四

四

四十六年

紀元

紀元非古也其起于誰乎以一字紀元者始于西漢文帝之後元年景帝之前三年中元年後元年以二字紀元者始于西漢武帝之建元以三字者始于梁武帝之中大通繼以中大同以四字者始于前漢哀帝之太初元將申於後漢光武之建武中元又申於魏太武帝之太平真君唐武后之天冊萬歲又曰萬歲登封又曰萬

歲通天繼于我宋太宗之太平興國真宗之大
中祥符徽宗之建中靖國唯復周制不改元但
稱元年者自西魏廢帝始至于周明帝復改元
以天紀者有天漢天策天璽天紀天監天嘉天
康天興天賜天保天授天安天統天和天寶天
復天祐天成天福先天又有甘露調露景雲神
電文昭案神電未詳以地紀者有地節地皇以乾紀者
有乾明乾封唐高宗志祖案乾封之乾音干通乾乾元乾符

示兒編卷十四

五

龍龍翔龍朔龍德龍紀又有麟德大象神麤神
龜以鳥紀者有元鳳五鳳天鳳神鳳儀鳳鳳皇
又有神爵赤鳥鴻嘉以瑞紀者有元鼎寶鼎寶
應寶歷大寶神瑞嘉禾以元冠子上者曰元光
元朔元狩元鼎元封元鳳元平元康元壽元始
元初元嘉元徽元和以太冠子上者曰太初太
始太元太平太和太豫太通太清太歷以大冠
者曰大安大興大寧大常大延大同大明大開
大統大象大寶大建大業大定大中大順文昭案唐

文宗年號大和與魏晉年號大和不同此以建
缺○志祖案季昭以文宗年爲泰和見後以建
者曰建元建昭建始建平建武建初建光建康
建和建寧建安建興建國建衡建明建德建中
以永者曰永光永始永平永元永初永寧永建
永和永嘉永興永壽永安永熙永康永昌永明
永泰永定永徽永淳永貞以景者曰景輝景元
景平景和景明景初景龍景雲景福以初承于
下者曰太初永初元初本初黃初景初以始承
于下者曰太始本始建始永始元始更始泰始

示見編卷十四

六

皇始大始正始以和者曰征和綏和章和永和
建和光和太和咸和隆和延和景和興和天和
元中和中以平者曰元平河平建平永平延平
和平熹平中平初平興平嘉平升平景平正平
熙平天平太平以昌者曰永昌隆昌延昌孝昌
會昌以康者曰元康太康永康咸康寧康天康
以寧者曰竟寧永寧建寧咸寧大寧興寧義寧
乾寧以安者曰漢安建安永安太安咸安隆安
興安長安以熙者曰延熙炎熙咸熙光熙義熙

按孔穎達云文王既王稱王而得輒改元年者諸侯自于其國各稱元年元年是己之所稱容或中年後改矣汲冢周書魏惠王有後元年漢初文帝二元景帝三元此必有因于古也其說有據故并錄之 通鑑周顯王紀四十五年秦惠王改其國十四年爲元年注云古未有再改元蓋始於此 張耘叟年歷辨誤云漢哀帝建平二

示兒編卷十四

七

年夏待詔夏賀良等言漢家歷運中衰當再受命宜改元易號乃詔改爲太初元將元年號曰陳聖劉太平皇帝八月復詔蠲除之本紀但稱太初元年脫元將二字況太初本武帝號與哀世相去未遠不容更襲舊號蓋後世之校讎者誤也 溫公考異曰世祖中元元年四月改元續漢志云以建武三十二年爲建武中元元年紀年通譜云據紀志俱出范氏

文昭案續志出子司馬彪非范

氏而所載不同此必傳寫脫誤今官書累經校定學者失于精審但見改元復有建武二字輒以意刪去斯爲謬矣梁武帝大同大通之號俱有中字是亦憲章於此今從袁紀范書後漢光武紀以二月登封泰山四月己卯大赦改元爲中元案禮儀志志祖案當作祭禮志載封禪事云以建武三十二年爲建武中元元年東夷列傳亦云建武中元二年倭奴國奉貢朝賀據紀傳俱出范氏而所載不同如此蓋後之校定者但見改元復有建武二字輒以意刪去之誤矣

年號同

西漢武帝紀元曰建元東晉康帝南齊高祖亦曰建元東漢光武紀元曰建武西晉惠帝東晉元帝南齊明帝亦曰建武西漢宣帝東漢成帝皆號元康晉明帝北齊武成帝皆號太寧晉惠帝元魏文成帝皆號太安西晉愍帝蜀後主皆

號建興漢章帝唐憲宗皆號元和後漢威帝改元嘉宋文帝亦如之後漢和帝改元興東晉安帝吳烏程侯亦如之同曰黃龍者漢宣帝吳大帝也同曰五鳳者漢宣帝吳會稽王也漢宣帝魏高貴鄉公俱曰甘露東晉安帝恭帝俱曰義熙南齊和帝魏廢帝均曰中興以泰冠于上者曰泰始則晉武帝宋明帝同曰泰和則魏明帝東晉廢帝魏文帝唐文宗

延博案唐文宗是大和非泰和

同以

永冠于上者曰永平則漢明帝晉惠帝魏宣帝

示兒編卷十四

同曰永興則漢威帝晉惠帝魏明元帝同曰永熙則晉惠帝魏孝武帝同曰永安則吳景帝晉惠帝同曰永康則漢威帝晉惠帝同曰永寧則漢安帝晉惠帝同曰永初則後漢安帝宋高祖同曰永嘉則後漢冲帝西晉懷帝同曰永和則後漢順帝東晉穆帝同曰永元則後漢和帝南齊東昏侯同曰永安則晉惠帝魏莊帝同曰永昌則晉元帝唐則天同曰永泰則南齊明帝唐代宗同以至父子有同號者漢高祖與愍帝不改其乾祐梁太祖與末

帝不改其乾化唐明宗與哀帝不改其天祐三世有同號者周太祖世宗恭帝相襲為顯德大宋藝祖皇帝與蜀主王衍同為乾德

姓名同

曾參與魯人同姓名而得殺人之謗史記甘茂傳宰

子與闕止同字子而得作亂之誣史記仲尼弟子傳則

凡名號同者可不參會而使之歸一乎堯時有

羿淮南子云射十日有窮后羿淮南子云有窮之君二人皆善射

舜有臣伯夷書注云姜姓孤竹君之子伯夷索隱曰姓墨胎

示鬼編卷十四

名允字公信伯長也夷諡也一則為名一則為諡周有季子

宣公十年天王母弟魯公子友閔元年字季子晉卻至成十七年字吳

季札襄三十一年衛子路戰國蘇秦史記字皆為季子

齊有夷吾莊八年管仲晉亦有之信二十四年法晉侯夷吾周有

南宮括君夷篇文王臣魯亦有之仲尼弟子即南宮縚憲問篇作南宮适

管仲為敬仲高饒襄二十九年陳公子完莊二十二年皆

字敬仲孔白禮公西與家語關勃信二十八年駟帶昭十

八年皆字子上孔伋原憲燕伋平當皆字子思孔

最冉季公孫僑皆字子產澹臺滅明公孫揮知

真編

胎

營皆字子羽巫馬期叔仲會皆字子期公孫茲

秦非皆字子之顏由仲由皆字季路顛孫師公

孫黑肱襄十叔孫輒哀八豐卷哀三琴牢皆字

子張紂有左師觸龍荀子議趙亦有左師觸龍

戰國策鄭有子西公孫楚有二子西大夫宜申春

秋時晉有趙括六國時趙亦有趙括春秋時晉

有士燮三國時吳亦有士燮春秋時曾有兩公

子偃一非成公庶子一是也鄭有兩公孫揮皆

字子羽一非行人子羽一是也冉雍與漢陳寔

同字仲弓端木賜與漢王尊吾丘壽王同字子

貢仲由與漢爰曾同字子路卜商與漢杜欽杜

鄴孔光同字子夏前漢杜欽字子夏茂陵杜鄴

師故衣冠謂欽為盲杜子夏以相別欽惡以疾

見詆適為小冠高廣財二寸由是京師更謂欽

為小冠杜子夏而鄴必不齊伏勝皆字子賤勝

為大冠杜子夏云後漢伏湛傳鄭子產襄三唐杜甫皆字子美谷

永終軍楊雄皆字子雲韋賢汲黯韓安國皆字

長孺東方朔雋不疑于定國皆字曼倩司馬相

如醇廣德施讎皆字長卿李陵任安丙吉皆字

示見編卷十四

少卿車胤王濟皆字武子前漢枚乘晉嵇康皆

字叔夜

志祖案枚乘字叔無夜字

後漢邊韶魏毛玠皆字孝

先漢晉孔安國同姓名漢晉王良同姓名前漢

有兩韓信俱佐高祖而一為韓王一為齊王又

降為淮陰侯前後漢有兩王吉而在後漢者為

酷吏後漢有兩王霸而避王莽者為逸民唐有

兩李益而皆能詩又有兩韓翃而一為詩人一

為刺史周唐皆有大顛

志祖案周之大顛木作泰

而在唐者

為名僧晉唐皆有李密而在晉者有孝德晉有

示兒編卷十四

五

三趙孟趙朔之子曰武諡文子稱趙孟趙武之

子曰成趙成之子曰鞅又名志父諡簡子亦稱

趙孟趙鞅之子曰無恤諡襄子亦稱趙孟周有

伯達後漢有公孫伯達

端明集

漢齊有三召平蕭

何傳東陵侯曰召平項羽傳廣陵人亦曰召平

齊悼惠王傳齊相亦曰召平趙有將曰扈軛

史記

李牧傳

漢張耳時別有扈軛尹翁歸

前鄭翁歸

後

孔翁歸

梁

皆同名司馬食其

衛

酈食其審食其

趙食其

並漢

皆同名荀闈蔡諾諸葛恢皆字道明

首賈琮班固並字孟堅後漢周有君牙唐有邢君牙梁有庾肩吾唐有施肩吾齊有孟嘗君文田後漢有孟嘗君此皆名同而實異

慕人名姓

司馬相如初名犬子慕藺相如之為人更名相如前漢李綱始名瑗慕張綱之為人改名綱唐傳幼起慕南容更字南容酈審趙慕衛司馬食其皆名食其項羽紀注人皆賢之惟員半干其先姓劉慕伍員而改爲員氏則又甚焉姓可改也孰不

示見編卷十四

可改也

廣韻員音運注云姓也唐有刺史員半干

不類名字

馮野王習鑿齒劉牢之劉黑闥張開地張良傳乃良大

父殷開山李百藥劉大真吳武陵宗楚客牛仙

客東郭咸陽名咸陽漢武帝時人不類名也 竇嬰字王

孫嚴彭祖字公子朱買臣字翁子趙充國字翁

孫杜茂字諸公張宗字諸君施延字君子徐穉

字孺子石冲字幼子胡常字少子羊祜字叔子

張興字君上李宗字尊祖劉祐字伯祖李密字

劉

令伯裴光庭字連城薛平字坦塗獨孤郁字古
 風斛律光字明月李靖字藥師蕭瑀字時文柳
 公權字誠懸王維字摩詰何曾字穎秀裴頤字
 逸民傅嘏字蘭石牛僧孺字思黯賈島字浪仙
 不類名字也文昭案記權衡誠懸不可欺以輕
 重維摩詰是佛名漢汲黯字長孺
 故牛取思黯為字未可為不類陳寵字昭公劉昆字桓公陳
 重字景公伏湛字惠公呂岱字定公竇融字周
 公袁安字劭公元照案字劭公
 者尚有何休直類古之諸侯
 耳 浩生不害吾丘壽王不類姓名也

示見編卷十四

十四

履齋示見編卷十四

八月初三直校

履齋示兒編卷十五

廬陵 禮津孫 奕季



雜記

人物通稱

父母稱嚴君

家人

樛里子亦稱嚴君

史記秦封號為嚴君

○母可稱大人

前淮陽王欲傳舅張博云王過大人益解是也又范滂稱母為

大 人叔亦可稱大人

前漢師受謂廣曰從大人議是也 ○兄為伯

氏

何人斯詩曰伯氏吹壎 狐突亦為伯氏 檀弓注伯氏狐突別氏

妻父亦可稱舅壻亦可稱甥

爾雅妻之父為外舅妻之母為外姑

示兒編卷十五

一知不足齋叢書

往謂我舅者吾謂之甥然則亦宜呼壻為甥孟子曰帝館甥于武室是也

○天子可

稱鉅公

前郊祀志欲見鉅公張晏曰天子為天下父故曰鉅公也 可稱縣官

前東平王字傳今暑熱縣官年少注不敢指斥成帝故謂之縣官 ○鮑萊霍光傳注如淳曰縣

官謂天子 ○太后亦稱東宮 古曰東宮太后所居也

○太子內官稱孺子 前漢武五子傳納史良娣

也太子有妃有良娣 ○妾亦稱良人 前漢上官

有孺子凡此三等 ○妾亦稱良人 后博內與

父諸良人侍御皆亂師古曰 ○嬖幸之舍亦曰

玉堂 谷永傳抑搢椒房玉堂之盛寵師古曰玉

圖有大玉堂 ○人有名青史應劭風俗通曰青

史善著書卽青史者人姓名也

文選案青史氏見大戴○鯢案

漢藝文志小說家有青史子五十七篇注云古史官記事也

書亦名青史杜

甫贈鄭十八曰古人日已遠青史字不泯注云

殺青爲竹簡之史也○觀論語遇丈人荷蓀注

曰老者則不特杜甫稱韋左丞爲丈人也

文選案漢

書句奴以天子爲丈人行吳越春秋性命屬天今屬丈人

○天下可以爲物

莊子在宥篇有土者有大物是也人亦可以爲

物泰誓曰惟人萬物之靈是也○樂記食三老

五更於大學謂更歷事者則知不惟五夜爲五

示兒編卷十五

二

更也○李義山云鸞能歌子夜謂晉人有子夜

者善歌則知非甲夜乙夜之類也○繫詞以天

地人爲三才而輪人之斬三材謂轂輻牙弓人

之合三材謂膠漆絲也○王旗曰太常君身曰

紀于太常注王之旌旗畫日月曰太常是也禮

官亦曰太常漢百官表云奉常秦官景帝更名

太常注謂尊大之義是也○車蓋亦得稱屋漢

高紀曰紀信乃乘王車黃屋左纛謂天子車以

黃繒爲蓋裏○車亦得稱路襄公二十六年享

子展賜之先路賜子產大路皆車之總名。日亦曰東君前郊祀志云晉巫祠東君師古曰東君日也。元日亦稱三朝班固東都賦曰春王三朝會同漢京注云三朝元日也朝陟遙反謂歲之朝月之朝日之朝是也。四月亦稱正月詩正月繁霜注云正月夏之四月是也。曲亦名陽春宋玉對楚王問曰其爲陽春白雪屬而和者不過十人曲亦名九秋陸士衡日出東南隅行云丹脣含九秋注九秋曲名。矢名忘歸

示見編卷十五

三

出剗向新序云楚王載忘歸之矢以射兕於夢澤草亦名忘歸出文選陸士衡詩安得忘歸草言樹背與襟注謂忘憂草。稻亦稱嘉蔬曲禮云稻曰嘉蔬是也。雉亦稱華蟲益稷篇云山龍華蟲是也。山有羊腸酈元注水經云羊腸盤道三十六回在成州仇池山。又見後漢白馬氏傳水之縈迴者亦曰羊腸後漢鄧訓傳所謂羊腸倉是也。志祖案羊腸倉亦指石磴言似非水之聲迴也。酒名屠蘇廣韻屠蘇酒元日飲之可除瘟氣是也屋亦名屠蘇劉

孝威結客少年場行云障月錦屠蘇是也○竹
有名龍鍾杜寄高使君岑長史云何大龍鍾極
於今出處妨薛云案廣韻龍鍾竹名世言龍鍾
取此義也謂其年老如竹之枝葉搖曳而不能
自禁持也子攷之廣韻玉篇籠鐘竹名廣志云
可爲笛二字皆從竹籠力公切○大宗伯以禽
作六摯而羔與其一者是獸亦可謂之禽也考
工記言天下之大獸五而羽與其一者是禽亦
可謂之獸也○蚊蚋亦名白鳥

文昭案夏小正
丹鳥羞白鳥白

示見編卷十五

四

鳥謂
蚊蚋

杜寄劉峽州云江湖多白鳥天地有青蠅

杜修可云一謂鷗鷺之類詩言白鳥鶴鶴是也
喻賢者之潔白乃棄江湖之閒一謂蚊蚋也以
譬小人云賢者處亂世欲隱則爲蚊蚋所嗜欲
出則爲青蠅所污○鳥有名竹林杜寓同谷縣
云竹林爲我啼清晝西清詩話云崇寧閒有貢
士自同谷來籠一禽大如雀色青善鳴曰竹林
鳥也○鴝鵒又名玄鳥螢火又名丹鳥竝出古
今注文昭案丹○鳥反哺亦名慈鳥雞反哺亦

名孝雉出倦游雜錄云吐○人名飛燕前漢趙

飛燕立為皇后注云善舞馬亦名飛燕謝靈運

會吟行云飛燕躍廣途西京雜記云文帝有馬

九匹一名飛燕騶○人名飛廉滕文公注云納

之臣風伯亦名飛廉離騷經後飛廉使奔屬是

也○觀名風廉馮衍顯志賦云草亦名風廉草木○羊謂

之腔韓愈病中贈張十八云酒壺綴羊腔是也

豬亦謂之腔張鷟朝野僉載云案後一腔東豬

肉是也○竹謂之箇史記貨殖傳云竹竿萬箇

示見編卷十五

五

是也舟與鳥獸亦可謂箇杜甫屏迹云漁舟箇

箇輕絕句云兩箇黃鸝鳴翠柳夜歸云峽口驚

猿聞一箇螢火云卻繞井欄添箇箇題柏大山

居云蕭蕭千里馬箇箇五花紋是也一說五花紋為箇非

謂匹馬為箇也

人物異名

人物之異名其來尚矣○天子曰天辟前五行志天辟

惡之如淳曰天辟謂天子竝見人曰距公曰縣官物通稱

禾絹南史父曰郎罷子曰囡音蹇聞俗呼父為郎罷呼子為囡出

藝苑
雌黃舅姑曰尊章漢廣川王傳背尊章師兄弟

妻相謂曰先後曰娣似曰妯娌先後宛若孟康

曰兄弟妻相謂先後宛若字也師古曰先蘇見

反後胡構反古謂之娣妯今關中俗為先後吳

楚俗呼為妯娌長嫂曰丘嫂楚元王傳過其丘嫂

康曰西方亡女婿為丘婿丘空也兄亡空有嫂

也張晏曰丘大也長嫂稱也師古曰史記丘字

作張說得之女婿曰丘婿見曰倩淳于意傳

倩注齊人呼女婿為倩言可假曰甥見前太

守曰郡長漢高祖紀懷王以沛公為碭郡長郡

將嚴延年傳繡見延年新將師古曰新為邑長

曰落長王溫舒傳置伯落長以收帥名曰五百

晁錯傳四里一連有假五公車官曰大誰漢五

故云姓名是誰也大誰本以誰何稱因用名官有人

大誰長今此卒者主餅餌曰湯官漢百官表師

餅主鑄錢曰鍾官百官表加淳曰鍾仰塗者曰

獲人揚雄曰獲人亡則匠石輟斤而不敢妄斷

塗者為獲人音乃操舟曰榜人聲流喝張揖曰

高反又音迺反操舟曰榜人子虛賦榜人歌

人船長也師古曰榜音誘舟師曰長年三老杜

汝注曰舟師也民曰氓隸賦子虛使車曰驛騎六

示兒編卷十五

六

輜車驛騎呈夫人車曰魚軒閔二年歸夫人魚

駕皆使車也天子旗曰翠華相如上林賦○楚靈王弓

名大屈昭七年楚子享公千新臺好以

黍荀子性惡篇繁弱宋矢名金僕姑莊十一年

公○馥案廣韻鐔字注引字林鏃鐔魯矢箭曰

忘歸見前人礪石曰蘭石城上搗○紙曰楮先

生韓文毛穎傳穎與剡藤舒元輿悲剡烏絲欄

朝野僉載宋毫間紙有管城子毛穎傳奉皇使

廷定禍亂直須長槍大錐子毛穎傳管城

宗見編卷十五

號為管城子甲書君又上嘗呼墨曰陳玄又與絲黑

松使者陶家瓶餘事曰玄宗御案墨曰龍香劑

歲曰臣黑松使者硯曰陶泓毛穎傳與石鄉侯

鳳翔退耕傳薛稷○交牀曰胡牀晉桓伊下馬

弄井欄曰銀牀許彥周云嘉祐中漁人網得一

須蘇易簡越江吟云席曰龍鬚唐鳳羽府土鏡

曰菱花六帖魏武帝扇曰六角王羲之書蒲葵

謝安傳鄉人有五萬蒲葵扇白羽杜甫茅齋詩

安取其中者捉之價數倍

羽注白輕箠杜詩輕箠扇也相向注扇也鞭白馬箠前婁敬曰周家大王

杖馬箠晉東宮舊事太子納妃有居岐香鑪曰博山銀博山香鑪三古詩博山

鑪中百琴曰綠綺晉傅玄琴賦相如之綠綺圍棊曰手談曰

和香世說王中郎以圍棊為手談也坐隱道林則又以圍棊為手談也船首曰文

鷓子虛賦浮文鷓注云鷓○虎皮曰臬比莊十年蒙

臬比而先犯之犀角曰黑暗象牙曰白暗西陽雜俎

注臬比虎皮也犀角曰黑暗象牙曰白暗西陽雜俎

云波斯謂犀角為蚘螺曰紫貝南楚新聞牛曰狂摩

柝子厚詩蹊竹闌狂摩音馬曰驚帆古今注云曹真有駿

馬名飛黃淮南子黃帝時飛黃服阜肅爽有兩乘肅爽馬注

驚帆時飛黃服阜肅爽有兩乘肅爽馬注

示見編卷十五

云肅爽駿馬名爽音霜犬曰韓盧宋狻毛穎傳韓盧與宋

良犬黃耳晉陸機有犬名黃耳羊曰美髯主簿古今胡鬚

也幽異記髯參軍古今豬曰長喙參軍古今烏

郎羊名金朝野僉載唐人畜豪豬曰豨獠子雲長楊賦

師古曰豪豬一名豨獠獠師古曰豪豬一名豨獠貓曰蒙貴又曰烏員

音桓心文昭案豨音弟刺史見龜曰靈蔡張景

西陽雜俎白老新政家有貓兒白老龜曰靈蔡陽七

命曰兆昭二十五年魯大夫臧氏龜發靈蔡名僕何僕力至反句居具反玄衣

督郵古今洞玄先生因話先知君子抱村鼈曰河

伯從事古今河伯使者上小魚曰魚婢爾雅蟹

曰蠪奴海物異名記嶺南人呼為蠪奴蠪一名

蟹奴又有小蟹附之無腸公子抱朴子蝦蟆子為

科斗耐雅釋魚蛇曰白鳥金樓子小蜘蛛為喜子雅

蠪蛸注云小蜘蛛長蜘蛛名絡新婦草蟋蟀名

懶婦古今注髮蟀一名蝥莎鷄名促織古今注

促織一名促蚯蚓名歌女古今注江東人呼

曰齊女董仲舒答問齊后西陽雜俎世傳蟬化

見古今注因齊螢火一名耀夜又曰夜光宵燭

后而名非雨事蠅虎一名蠅狐古今注一蜻蜒名赤弁使

示見編卷五

者同蛟蝶曰鳳子古今注蛟蝶○鶴曰丹哥秘

新談云道土趙自古詩鴈曰鴈奴玉堂閑話鴈閣

丹哥時同鳳謂燕也中動至于百大者居中霜信古今詩話北方白

令鴈奴圍而警捕者霜信古今詩話北方白

謂之霜信殊翁前禮樂志殊翁雜五采文孟康

鵠曰飛奴遺事白鷺曰春鉏爾雅雪客苑雀曰嘉

賓古今知更遺事鷹鷂曰決雲兒同上子雉曰催

歸玉壺清話退之詩云催歸別名姊歸高唐賦

思婦爾雅曰嵩周郭曰子嵩也或鶯曰金衣公

子鶯呼曰金衣公子鸚鵡曰雪衣娘明皇雜錄

鷓鴣養宮中
號雪衣娘
綠衣使者
開元遺事
隴客
范談
鳩曰搏

谷博物
雞曰戴冠郎
異聞
○猿曰野賓
野說五分想裏六字

猿名之曰野賓
○文昭案野說五分想裏六字
譌案王仁裕有人獻猿名之曰野賓
出王氏見

聞山公
因話錄李約
巴西侯
同報時猿
天寶遺

素情清心亭
每一時
○牡丹曰木芍藥
李翰林

猿即啼目曰報時猿
○牡丹曰木芍藥
集序云

開元中禁中初重木
瑞香曰錦薰籠
若溪叢話

芍藥即今牡丹也
羅勒北人呼蘭
芙蓉一名

薰籠
蘭香曰羅勒
香為石勒諱也
芙蓉一名

荷花一名水芝水花
古今
菱曰水栗
武陵記曰

三角四角曰
辛夷曰木筆
本草新雉
甘泉賦列新

菱通曰水栗
草新雉
雉於林薄師

古曰新雉
支子樹曰鮮支
上林賦鮮支黃礫師

即新夷也
古曰鮮支
即今支子

樹○桃實白乾不落者名桃奴
草柑曰木奴
土風

也
記曰李衛於武陵種柑
櫻桃曰崖蜜櫻桃也
○鯢棗鬼

橘千樹號千頭木奴
櫻桃曰崖蜜櫻桃也
○鯢棗鬼

蜜十分甜事見鬼谷子崖蜜櫻桃也
○鯢棗鬼

谷子無此文
○元照案冷齋夜話亦云見鬼谷

子尚有照夜青樊也
橄欖曰南威
太平

百花醜蜜也之文
橄欖曰南威
廣記

者曰天漿
西陽
枇杷曰盧橘
東坡曰枇杷也

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

龍眼為荔枝奴
海物異名記嶺南
棗曰羊角

本草 巴焦曰巴且子虛賦文穎曰巴且草一芋曰

駿鴟前史蜀卓氏傳岷山之下沃壑筍曰稚子

杜詩竹根籬子無人見唐人竹萌爾雅茄子曰

落蘇曰崑崙瓜西陽雜俎蘿蔔曰土酥曰蘆菔葉曰

歌云金城土酥靜如練茗曰酪奴洛陽伽藍記瑞草

東坡云卽今之薑蕪也柏曰蒼官竹曰青士唐

魁杜牧茶詩云山實東柏曰蒼官竹曰青士杜詩天

新語樊宗桐枝曰鳳條西陽柳曰天棘棘夢青

師圃池記絲王元之櫻欄名蒲葵雅魚際曰絲瓜錄○

謂柳也酒譜曰歡伯歡伯見易林魏生封生伯般若湯

酒譜北僧謂青州從事古史說苑謂美酒為青

酒為般若湯合資而飲曰醅飲集韻○醅盛酒

云屬上住榼曰鴟夷鄒陽傳子胥鴟夷榼○榼一作騰小

巽為儋巽通傳守儋石之祿應劭曰齊人名小

日甌都濫反或曰儋環餅曰寒餅事贊又嘉話

者一人所肩儋也○雪為滕六風為翼二幽怪錄蕭至忠將織

雪翼二為風卽○水津為步韓愈羅池廟碑言

蕭君不復獵矣謂水津村市為虛青箱雜記嶺南謂村市為虛

也○炭火曰活火李約性嗜茶嘗曰茶須緩火

示兒編卷十五

○金釧名金條脫盧氏雜說瑋瑋曰文甲前西域傳

甲如淳曰文近身小衫曰廁臉石奮傳取觀中

中帶若今言中衣蘇林曰臉音投師占○不曉

事名穢穢集韻○文昭案晉程曉詩惡言罵詈

名倻懋同○獄名若盧漢百官表若盧少府屬

日若盧郎中二十人主弩射漢儀注有若盧獄

令主治庫兵將相大臣王商傳丹等奏請詔商

請若盧詔獄孟康曰若盧獄北軍公車內尉

名屬少府黃門北寺是也

軍如淳曰漢儀注中壘校尉主北軍壘門內尉

一人主上書者獄上章於公車有不如法者以

付北軍尉聯繫囚徒曰胥靡楚元王傳胥靡之

以法治之示兒編卷十五

隨也師古曰聯繫使相隨而服役也故

謂之胥靡猶今之役囚徒以鎖聯綴耳

物之名有重言之者鳥曰周周文選阮嗣宗詠

羽又見韓子鵝鵝比翼爾雅秩秩如雉任海中山上燕

燕毛詩燕○獸曰猩猩曲禮猩猩如人破髮

費費漢書揚雄校獵賦云緇鳴陽師古曰鳴陽

蔽其目噴工聊邛邛爾雅邛邛巨○蟲曰蟀蟀

反費扶味反聊邛邛虛注云比肩

方言即蜻蜻爾雅螿螿曰八八見王虛

孝○鯉曰六六魚宋景文詩尺素策策朱齊丘

庚氏之魚堂堂化書辛氏之名策策魚名堂堂

因物得名

世有所出所嗜所作因以冠名者多矣莫邪作

寶劍而名其劍曰莫邪買說傳中屈原賦莫邪為鈍乃應劭曰莫邪吳

大夫也作寶劍因以冠名劉白墮善釀酒而名其佳酒曰白

墮洛陽伽藍記蕃中畢氏羅氏好食因謂所食者為

畢羅資暇錄胡人常食餅而名胡餅書宗爰輻胡人常

食核桃而名胡桃雜記潘州郭使君療小兒多

用此物醫家因名曰使君子本草人牽牛來易藥

宗兒編卷十五

而名其藥曰牽牛同鯊魚張口吹沙而名鯊桑

扈青雀喜盜食脂膏而名竊脂拉爾雅注蔦附於松

柏而名寄生陸璣疏櫻桃為鶯所含故名含桃呂氏

春秋注王羲之以禽來食林檎之實名林檎曰來

禽尚書故實曰王丙史書帖有與蜀郡太守書求櫻桃來禽曰給藤子來禽言味甘來眾禽

也一曰漢中之地有蟲曰胸臆因名縣為胸臆

漢祠太一使樂人侯調樂聲坎坎因名樂作坎

侯前漢阮咸作銅器似琵琶又易以木因名琵琶

為阮咸又改為月琴唐元僧傳僕句之地出龜則名

忍 胆 譌

龜曰僕句

昭二十五年臧會龜其寶龜
僕句注云僕句龜所出地名

蔡地出

龜則名龜

曰蔡前食貨志云龜為蔡師占曰本
以蔡出善龜故因名龜為蔡

冀北出良馬則名馬曰驥

注者解論語驥不稱
其力云冀出良馬之

地故良馬
因謂之驥

衛地出驢則名驢曰衛

資暇錄云世
呼驢為衛衛

地出驢其
在茲乎

巢元修所嗜之菜謂之元修菜房州

有異人戴三朶花名之曰三朶花

出東坡詩

牡丹曰

姚黃魏紫

歐公牡丹譜

荔枝曰十八娘紅狀元紅

蔡君

漢荔支譜

以至鄭國渠

河渠書

劉氏冠

漢高祖紀

謝公墩

謝安傳

萊公竹

言行錄

皆類此

示兒編卷十五

西知不足齋叢書

示兒編卷十五

八月初三夜校

履齋示兒編卷十六

廬陵鄉先生孫奕

季



雜記

易物名

山谷喜為物易名 鄣花則易為山簪 竹夫人則易為竹妃 水晶贈則易為醒酒冰 洞庭春色則易為埽愁帚 集句則易為百家衣 東坡名椶笋

為木魚

椶笋詩

名鐵拄杖為鐵君

鐵拄杖詩

名竹為苦

節君文與可畫竹亦名之曰墨君

皇朝文鑑東坡作文與可

示兒編卷十六

二知不足齋叢書

墨君堂記

皆自我作古之一端也

人相反

孔子不飲盜泉

尸子曰孔子至于勝毋暮矣而不齒過于盜泉渴矣而不飲惡

其名

吳隱之飲貪泉

晉書本傳

二人正相反于公多

陰德

于定國父

陳平多陰禍

王陵傳

二人正相反陳平

多陰謀而知其後必廢 邴吉有陰德 夏侯勝識

其當封及子孫

後漢袁安張酺等論鯤案此論專主袁安不必添張酺等三字

字

晉文公譎而不正 齊桓公正而不譎

慮問邾子

執玉高其容仰定公執玉卑其容俯

家語○文昭案上出

左傳定十五年○志祖案家語此物篇載此事定公執王卑執作受管仲失于奢

晏子失于儉子貢商也曰益賜也曰損說師也

過商也不及先伯夷死名於首陽之下盜跖死

利於東陵之下莊左丘明工言人事莊周工言

天宋景文三代不封禪而王秦封禪而范唐公論鑑

武王謬誇而昌紂嘿嘿而說亡紂以甲子曰亡

周武以甲子曰興魏王西伯幽而演易周且顯

而制禮論高帝孝文孝景皇帝宮女不過十餘

人武帝時又多取好女至數千人以填後宮貢

示兒編卷十六

疏 宣帝詔書好言祥瑞元帝詔書好言災異疏

論 唐太宗謂李世勣道宗不能大勝亦不大敗

薛萬徹非大勝則大敗矣通鑑太孔子高孔穿

理勝于辭公孫龍辭勝于理通鑑周裴頠拙於

用長荀勗工於用短王戎人西門豹性急故佩

韋以自緩董安于性緩故佩弦以自急韓張良

得黃石公書而為帝者師京房得焦延壽易而

亡其身張無非其君不事非其民不使治則進

亂則退伯夷也何事非君何使非民治亦進亂

亦進伊尹也

公孫丑上

曾子居武城有越寇或曰寇

至盍去諸曾子則去子思居於衛有齊寇或曰

寇至盍去諸子思則守

離婁下

子路拯溺而受其

牛

呂氏春秋

子貢贖人而不取金

家語

漢祖能用三傑

項羽不能用一范增

高祖紀

太宗以干戈之事尚

能起李靖於既老而穆宗文宗不能用裴度於

未病

東坡說

漢以羽林爲南軍金吾爲北軍唐以

金吾領南衙羽林統北衙

蘇秦爲諸侯弱秦

張儀爲秦弱諸侯

東坡說

王衍口不言錢和嶠有

示兒編卷十六

三

錢癖

晉

魯褒作錢神論

蕭綜作錢愚論

南阮

史

籍作達莊論王坦之作廢莊論

晉

佛言無生老

言不死

集古錄跋

李廣擊胡無部曲行陣頓舍不擊

刁斗莫府省文書然遠斥候未嘗遇害程不識

擊胡正部曲行伍擊刁斗治簿至明軍不得休

息未嘗遇害

李廣傳

注本草誤其禍疾而小注六

經誤其禍遲而大

唐子西易菴說

崔祐甫爲相所用多

涉親故

太宗紀

竇易直爲相未嘗用親故

文宗紀

司

馬遷敘三千年事五十萬言班固敘二百年事

乃八十萬言

晉張輔傳

于志寧為僕射脩史恨不得

學士來濟為學士恨不得脩史

南郡新書

嬰母知廢

陵母知興

班彪王命論

李白為蜀道難陸暢為蜀道

易

禹錫嘉話

胡元禮在此人莫覓活李日知在此人

莫覓死

隋唐嘉話

韓魏公用家資如國用曾魯公惜

官物如已物

晁氏客話

劉隨州有眼作無眼句宋雍

無眼作有眼句

雲溪友議

子美以詩為文退之以文

為詩

后

蘇子瞻詞如詩秦少游詩如詞

好言語老杜道盡世間俗言語樂天道盡

荆公

示兒編卷十六

陽公之文和氣多英氣少蘇公之文英氣多和

氣少

邵氏聞見後錄

韓退之之文自經中來柳子厚之

文自史中來

同

魯直詩到人愛處聖俞詩到人

不愛處

同

永叔不好杜詩子瞻不好遷史

后

明允不能詩歐陽永叔不能賦曾子固短於韻

語黃魯直短於散語

后

韓退之之不可謂之詩有

章韻文也杜子美不可謂之文無章韻詩也柳

宗元而下兩失之矣蔡君謨言文章而不言政

事歐公言政事而不言文章

蘇子容

願長康善畫

而不能詩杜子美能作詩而不能畫王直方詩話王摩詰詩詩中有畫觀摩詰之畫畫中有詩詩史人之相反如此

物相反

大椿以八千歲為春秋朝菌不知晦朔二物正相反莊子莫莠生而靈著草死而靈二物正相反

六一說一牡丹華之絕而無甘實荔支果之絕而非

名花六一說一黍熟頭低麥熟頭昂王元景談薺先種後

熟謂之種後種先熟謂之種內宰艸盛在末竹

示兒編卷十六

五

盛在本艸實而生竹實而死唐韋解草敗而螢

木敗而芝折藝圃中牆下之木抽必外向庭中之風

行必內向上同沈者曰蘋浮者曰藻韓詩外傳菊甘蕙

苦抱朴子菱寒夾暖菱花開背日芡花開向日仇池

筆凡草木花皆五出雪花獨六出韓詩外傳葵知隨

日堯知應雨折中○烏之鬪竦其尾鷄之鬪竦

其翼甘氏星經鷓鴣音不日浴而白烏不日黔而黑莊

鳧脛雖短續之則悲鶴脛雖長斷之則憂莊雞

司晨犬司夜燕秋去鴈秋來鳧善浮鷗善沒禽經

雞畫明而夜昏鴉夜明而晝昏化書大肩無雄龜

類細腰無雌蜂類博物志雄兔脚撲朔雌兔眼迷

離木蘭歌蠶食而不飲蟬飲而不食家語魚無耳而

聽蟬無舌而鳴淮南子巢居知風穴處知雨翼奉地

封螭蛇無足而飛鼯鼠五技而窮荀子仲秋鳩化

為鷹仲春鷹化為鳩司裘注仲夏鹿角解仲冬麋

角解月令鵲巢背太歲燕伏戊己乾鵲知來猩猩

知往西陽雜俎象膽隨四時在四腿春在前左夏在

前右能膽春在首夏在腹秋在左足冬在右足

宗兒編卷十六

同熊行數千里必在石巖枯木虎出百里外則

迷失路道墨客揮犀蛙蟻知雨烏鳶知風燕避戊己

鵲避太歲魚聚北首鉞浮南指藝圃折中猩猩啼而

就禽佛佛笑而被格左思賦麝愛其膺狨愛其尾

犛牛自斷其尾雄雞自斷其尾並談苑○天道尚

左星辰左轉地道向右瓜匏右藁藝圃折中日生東

月生西禮記曰大明生於東箕星好風畢星好雨洪範月

未望則載魄於西既望則終魄於東揚子○飲養

陽氣食養陰氣禮記陽燧取火方諸取水論衡舟以

行水車以行陸考工記水流濕火就燥乾陽律以

竹為管陰律以銅為管典同推手向前曰琵琶

手向後曰琵琶釋合樂為祝止樂為啟譜外方內

圓曰篋內方外圓曰篋方曰篋員曰篋詩注

竹豆謂之籩木豆謂之豆爾雅有足曰筓無足曰

釜詩注端石瑩潤惟有鋒鋷者發墨歛石多鋸惟

膩理者特佳蔡君謨冠做在於上履新處於下

柳識前推曰漿卻曳曰權韻其物之相反有

如此者

示兒編卷十六

自相反

梁武帝手得江左而亦自失之唐明皇手定唐

亂而亦自亂之無垢唐明皇始年焚錦繡珠玉

晚年乃喜淫侈憲宗始年四方無得進奉晚歲

乃喜羨餘同裨謀謀於野則獲謀於邑則否襄公

一三十百里奚居虞而虞亾在秦而秦霸史記韓

叔孫通在秦則為諛士在漢而直諫裴矩在隋

為佞人在唐而亦直諫無垢冉有從夫子則為門

人之嚮從季氏則為聚斂之臣東坡續孟子不

朋黨論

王聖至談注十一
字初印本作孟
子二字

見諸侯而見梁惠王王聖美說見沈存中華談注韓非作說難

之書而卒死於說難揚子孟公綽為趙魏老

則優不可為滕薛大夫問黃霸為相功名滅於

治邵時王尊乍賢乍佞並王吉天下服其廉而

怪其奢劉晏能廉於臨財而不能廉取於功名

並廉吏傳司馬相如言吃而善著書漢嵇康善著養

生論而自以事坐誅阮籍口不臧否人物而作

青白眼並光武御祥瑞不假而受圖讖武宗除

去浮屠而躬受道家之錄捫蠶王衍高談物理

示兒編卷十六

見石勒而下拜王坦之剛鯁自許見桓溫而倒

執手板晉退之嘗譏人不解文字飲而自敗於

文技文昭案文技二字未詳或校作女奴當因張籍詩云乃出二侍女合彈琵琶然何

謂之膏戒人服金石藥而自餌硫黃孔毅夫新論

自敗案退之服流黃乃李昭白識郭子儀之為人傑

而不能識永王璘之為無成書之美者莫如

顏魯公然書法之壞自魯公始詩之美者莫如

韓退之然詩格之變自退之始東坡杜子美詩

冠古今而無韻者殆不可讀曾子固以文名天

太

下而有韻者輒不工游說梅聖俞云前史言退
之爲人木強若寬韻可自足而輒旁出窄韻難
獨用而反不出歐公詩話

事類

堯爲唐侯二十以德盛舜爲鰥民二十以孝聞

庚日休鹿門隱書漢高祖約法三章本紀唐高祖約法十

二條本紀高祖從諫如轉圜傳德宗從善如轉

規崔寧傳高祖從諫如順流班彪王命論湯從諫如流

注宣帝從諫如流孝宣勵精爲治循吏傳太宗

示見編卷十六

勵精思治崔植傳元宗勵精求治魏知古等贊德宗勵

精求治通鑑元宗勵精政事本贊文帝吏安其官民

樂其業刑法志宣帝吏稱其職民安其業贊明帝

吏稱其官民安其業後紀又通鑑明帝吏得其人民樂其業光武

渡滹沱河而冰合王霸傳王方翼次葉河而冰亦

合唐漢明帝作世祖紀章帝爲顯宗紀職官分紀肅

宗與李泌爲布衣交及卽位事無大小皆咨之

德宗以張洎爲翰林學士事無大小皆咨之通鑑

唐代舜姪鯀而用禹周公囚蔡叔而命蔡仲湯

伊

以伊尹遺大甲武王以周公遺成王並無紂脯

九侯劉紀高祖醢彭越本舜罰弗及嗣漢文

五罪人不孥孟三輔吏士東逆更始見劉秀皆

喜曰不圖今日復見漢官威儀通鑑漢淮陽王紀桓溫

伐秦民爭持牛酒迎勞曰不圖今日復覩官軍

通鑑穆宗紀楚昭奚恤之對秦使以子西子敖子高

子反為寶新序齊威王之對梁惠王以檀子盼子

黔夫種首為寶史記田駘仲世家桓公官事無攝告子下

管仲官事不攝八殷作九市之宮而諸侯畔靈

示兒編卷十六

王起章華之臺而楚民散秦興阿房之殿而天

下亂東方朔諫武帝張武受賄文帝更加賞賜以愧其

心文帝贊長孫順德受賕太宗更賜之帛以愧切

其心本傳魏盧毓選舉先性行而後言才通鑑明帝紀

北魏選舉之法先門地而後賢才齊明帝紀隋牛弘

選舉先德行而後文才文帝紀虞不用宮之奇而

晉并之恭不用子馬說苑作子猛而齊并之荀子堯問伊

尹去夏入殷殷王而夏亾管仲去魯人齊魯弱

而齊強劉向荀子後序燔肉不至孔子去魯皓醴酒不

設穆生去楚元王傳孔子作春秋而子夏不能

贊一辭繼呂氏著春秋而秦人不能易一字史記

子斬少正卯於魯太公戮華士於齊范甯王西

漢以揚雄為東道夫子論新東漢以楊震為關西

孔子傳本晉士弱曰國亂無象襄九年牛僧孺曰太

平無象傳本穰苴長於正吳起長於奇藝圃陳平

起於亡命而為謀主韓信拔於行陳而建上將

梅福上書子產鑄刑書昭六趙鞅鑄刑鼎昭十九左思字

宗兒編卷十六

沖作三都賦豪貴之家競相傳寫洛陽為之紙

貴世說友昭案左司馬遷儒之外五家班固

儒之外八流盧景亮撰子賈山涉獵書記前班

超涉獵書傳後晉東督補亡詩六篇南陔曰華

由儀上唐白居易補逸書一篇湯征姚鉉以柳子厚

孝門銘表為序蕭統以高唐神女賦為序捫蝨

文選出於蕭統而統自為之序文粹出於姚鉉

而鉉自為之序楚懷王遊高唐夢與神女遇

宋玉高唐賦楚襄王遊雲夢亦夢與神女遇宋玉神

唐賦

衛夫人見王逸少真書云咄咄逼人法帖王子敬

見王景仁名脩隸行書云咄咄逼人書斷柳家元和

脚東坡作者劉夢得美子厚之能書也黃家元

祐脚者陳無已紀魯直之善書也復齋漫錄蚩尤為

作亂之始三苗為虐刑之始 羲即重之子孫

和即黎之子孫並無衛玠神清杜乂形清晉杜乂傳

解狐舉怨韓子咎犯舉仇苑說虞卮子薦孫叔敖虞

卮子家干法叔敖戮之虞卮子喜苑說左雄薦周

舉舉後劾左雄雄悅謝之通鑑後漢順帝紀張釋之為

示兒編卷十六

五

廷尉天下無冤民于定國為廷尉民自以為不

冤本傳劉寬蒲鞭後崔伯謙皮鞭北史商鞅欲變秦

法則立徙木之令以示信史記吳起欲伐秦則立

移轅之令以示信魏虞世南默寫列女傳無一

字謬蔣乂誦補侍臣圖贊不失一字並唐魏相奉

行故事前侯霸明習故事後范武子光輔五君

女襄靈武景出憲穆裴度事四朝敬女馮道歷五朝

八姓通鑑扁鵲之見威王以為病在骨髓史記秦

緩之見晉侯以謂疾在膏肓成公膏負羅縵重

耳盤飧真璧重耳受飧反璧信二衛人饋叔向

羹與錦叔向受羹反錦昭公十三唐元宗書崔琳等

名覆以金甌本傳唐廢帝書姚顛數人名投琉璃

瓶五代史盧文紀傳儀狄作酒夏禹時戰國策杜康作酒博物志

孟明焚舟文三項籍港船史王莽稱王子僑為皇

祖叔父唐高祖稱老子為皇祖范唐鑑段秀實倒

用司農印唐繼良倒用都統印五代趙高指鹿為

馬秦高德孺指野鳥為鸞唐魏謩議論有祖風

狄兼謩剛正有祖風高馮為監察彈治不避權

示兒編卷十六

三

要崔縱為中丞彈治不避權倖並唐孟軻之母斷

機列女傳樂羊之妻斷織後阮籍知母而不知父

雍姬知父而不知夫捫蝨新話季子不禮於其嫂買

臣見棄於其妻畫錦堂記張巡殺愛妾許遠殺僮奴

唐鄧禹子十三人各守一藝後劉殷子七人各

守一經晉郭子儀忠貫日月韓仁愿忠貫神明

李華韓公廟碑戴胄為大理卿言若湧泉蘇頌為中書

舍人思若涌泉唐劉寵受一錢後杜暹受紙百

番唐崔洪口不言貨財崔遊口不語財利並晉李

弘節以清謹顯既沒之後其家賣珠太宗疑其實貪劉宗龜姻不可干以財既沒之後其家鬻珠翠由是名損廉吏傳 屈原有天問柳宗元有天

對虛仝作月蝕詩云食月者月中之蝦蟇也梅

聖俞作日食詩云食日者三足鳥也東坡說 孫興

公遊天台賦序云天台者蓋山岳之神秀也晉

張種與沈炯書虎丘者吳之神秀也陳 段維一

餅熟成一韻詩溫庭筠一餅熟成一韻賦歸田錄

揚子雲有逐貧賦韓退之有送窮文淵明有形

示見編卷十六

五

神影三首樂天有身心問荅三首少陵有四小

松詩東坡有萬松亭詩聖俞有四禽言子瞻有

五禽言王逸少於書知變韓退之於詩知變陶

侃用法得法外意東坡學書得書外意劉歆七

略古文或誤以見為典以陶為陰抱朴子書三

寫以魚為魯以帝為虎曹不興為孫權畫屏風

筆墨誤點因以為蠅張勃吳錄 桓溫使王獻之畫扇

筆誤落因畫作烏駮牯牛晉 田單火牛楊凝然

馬長卿名犬子王修名狗子顏氏家訓 雞有五德韓

外傳陸雲彈有五德陸雲以珠彈雀莊以玉抵鵲鹽鐵論

江泌不食菜心恐傷生意邢昺不食邪蒿惡其名盧氏退之以磨蝎為身宮子瞻以磨蝎為命新錄

宮仇池張敞自請治劇郡漢袁甫自言能作劇筆記

縣晉牛洪稱房暉為五經庫隋褚遂良稱谷那

律為九經庫唐公孫景茂博涉經史稱書庫隋

李涪以開元禮及第號周禮庫唐陸澄不能撰

宋書號書厨南李善不能屬辭號書籠唐曹子

建七步魏柳公權三步世劉德千里駒前李琨

示見編卷十六

吾家千里駒唐五鑿為正荀廣所案荀謂荀子袁公篇也舊本誤

蜀六鑿相攘莊張釋之十年不調前駱賓王十

年不調上裴侍馬融十年不得調後韋渙十年

不調官唐夏侯湛累年不調抵顏駟三葉不

遇後張平忠義天下之大閑唐忠義節義天

下之大閑唐草行陶潛預為祭文杜牧自撰墓

誌劉恕外芸香辟書蠹筆談魚石子亦辟書蠹秘

閑陳蕃周舉常相謂曰期月之間不見黃生則

鄙吝之萌復存于心後漢黃陸象先嘗謂人曰

憲傳

知

季真賀知章清談風流吾一日不見則鄙吝生矣
章傳

履齋示兒編卷十六

示兒編卷十六

六知不足齋叢書



八月初四日校

